


# NZILA YA MUPOLOFITA WA NITI

 Ni itumezi, Muzwale Borders. Halu yemeñi ona cwalo halunze lu lapela. Hani zibi yana ni kupo busihu bwa kacenu, ya ka nanula mazoho a hae ni kubulela kuli, “Mulena, ki na yo”? Cwale halu inamiseñi litho za luna.

<sup>2</sup> Ndata luna yakwa Lihalimu, halunze lu utwa pina yani, “Mulena, Na lumela.” Lwa kona ku nahana ka—ka linako zeo, mwahala lifasi, Ni utwile zeo mwa mishobo yemiñata hahulu, “Mulena, Na lumela.” *Lumela Feela*. Mi, Ndate, lu lapela kuli libe zetuna kufita pina ku luna busihu boo mi ibe buniti. Lube ni tumelo yetuna ku Wena busihu boo.

<sup>3</sup> Mi cwale lu lapelela keleke yenyinyani ye, mulisana wa yona, muzwale waluna Fuller, mutanga Hao, muzwale ye luna ni sepo ku yena. Mi lu lapelela lubasi lwa hae, babeleki ba hae kwanu, bona madikoni, basepahali, ni bao kaufela babatile mwa minyako ya kenile ye. Lu lapela, Mulena, kuli kamita ibe ndu ya liseli ya Jesu Kreste.

<sup>4</sup> Fuyola mizwale kaufela bona baktutazi babaliteni mo busihu cwana, bona baba kopana ni luna mwahali ni fande, mwahala musipili kaufela. Lu lapela, Ndate, kuli U ba fuyole ka butuna.

<sup>5</sup> Mi lwa kupa, busihu boo, kuli kube kusuluha kwa Pata ya Hao fahalimwa luna. Lu tokwile, Mulena. Lwa Ku tokwa. Luna lu mwa kutokwa kamita kakuli luteni mo mwa mafulo a ndwa, Mulena, ko buiketelo buna ni kueziswa. Mi lwa lapela, Ndate, kuli U lu susueze ka tundamo ka kubatani kwa Pata ya Hao. I eza sesiñwi ku luna hahulu, ka kuziba kuli U na ni luna. Iponahaze fela ili Wena ona fa, Mulena, mi si ka lu susueza ku zamaya kwapili. Folisa bakuli ni baba zielehile. Pilisa baba latehile. Susueza baba zwafile. Ikungele kanya ku Wena. Lwa kupa ka Libizo la Jesu. Amen.

Mwa kona kuina.

<sup>6</sup> Ni lumela kuli neli Davida yana ize, “Ne ni tabezi hane ba ni bulelezi kuli, ‘Haluye kwa ndu ya Mulena.’”

<sup>7</sup> Billy na bulezi cwana, fa nako nyana, kuli, “Kikuli ha mu katali, fate?”

<sup>8</sup> Se nili, “Eeni. Ni katezi mwa bupilo bwaka kaufela.” Se Ni twaezi fela zona.

<sup>9</sup> Ni kala ku nahana kuli, “Kihande, Ni ya ni supala hahulu. Ni lukela ku itulela nyana.” Mi mutu yomuñwi utaha cwalo, mwendi wa myaha ye eite kamba nainte ya kupepwa, inza cisa fela naha, mwendi na ni kena mwa lilimo za hae habeli, mwa ziba. Ni hupula kuli, “Mawi! Na i kutwa kuswaba bati.”

<sup>10</sup> Kwani kwa tabernakele kwa hande, kuna ni mutu ni musala hae ba libizo Kidd, bazwa kwa Ohio kwani. Cwale, bubeli bwa bona bateni mwahali, kihande mwahali mwani, eite-faifi kamba eite-eiti. Mi se ba supezi hahulu kufitela ba palelwa kukena mwa likeleke hahulu, kakuli zabona... Habasana manzwi a tiile. Kono mwa ziba se ba eza? Ka tepu kaufela... Musali nyana yo na bulukile kapene ka hae ni kuleka tepu rekoda. Mi kacwalo anga tepu. Na mu lumelezanga matepu. Mi unga matepu a, ni kuya kwa sipatela, kaufela ko akona kuliza tepu yani, yena ni muuna hae yomunyinyani, inge ba liza matepu ani. Mi kipeto Ni ba lumela siputumende sa—sa masila o Ni lapelezi. Mi fa ni fa, “Muzwale Willy, Ni felezwi ki masila a litapelo hape.” Mi cwale ha Ni ba bona, musali u kena mwa keleke, ni milili ya limbi twaa, taulo nyana cwalo; ni muuna, sa bonahala buñandatalukeke cwalo.

Mwendi ka myaha yemine kamba iketalizoho kwa mulaho, hane Ni li kwa . . .

<sup>11</sup> Ki sibaka mañi sani kwa Ohio, ko ba belnga ni mukopano mwaha ni mwaha? Ba si biza kuli Chautauqua. Kono Ni libezi cwale. Ki fa sibaka fani. Kono seo—seo libizo la muleneñi lili sona, Ha ni sa hupula ndate. [Muzwale uli, “Franklin.” Kezeli uli, “Miami, kwa Middletown.”—Mu.] Cwale, ki, u batile ku kumba cwale. Yomuñwi ubulezi kuli lu fita kwa Miami. [Muzwale hape uli, “Franklin.”] Mi si fakaufi ni Frankiln. Eeni. Yeo ki niti. Ona mwa . . . Ni lumela kuli ki mwahala Franklin. . . [Mizwale bababeli bali, “Middletown.”] Middletown. Kona cwalo. Yeo ki niti. Kacwalo, yeo ki niti, Middletown, kwani kwa nuka, kacwalo kwa Chautauqua kwani. Sani kona sibaka se si tuna sa lipapali za basketball, sibaka sa kutiisa mibili kwani.

<sup>12</sup> Mi muzwale yo, oh, Ni ba zibile fa lilimo, ni Muzwale yomunyinyani wa kale Kidd ki, oh, Ni sepa nana ni myaha ye eite ha ba mutisa, mi ma dokota ba fumana kuli butuku bwa siinya ne se buba butata luli. Mi kacwalo ziezi ye ya mu totobeza fela. Kihande, ba li i lukela ku pazuliwa. Kacwalo ha ba mu pazula, “Kiñi, nekusina tuso ya ku mu pazula. Sa ile kale.” Mwabona? Bali, “Hakuna mukwa wa kueza ka ona, ni hanyinyani.” Kihande, ba mutisa kwa ndu. Mi, kupazuliwa kwani, ne ku yemi ku muuna muhulu wa lilimo ze eite za kupepwa. Mi nana ni fela bukiti bo bufita mwendi, oh, Na sepa, mwatasa lipaundi ze mwanda.

<sup>13</sup> Kacwalo, musala Bo. Kidd a liza, kwani. Kona ha ne ni sa zo fita fa ndu kuzwa kokuñwi. Muzwale Kidd wa shwa. Mi ali, “U bata ku kubona, Muzwale Branham, usika ya . . . a sika ya kale.” Kihande, Billy ni Na neluile kusina likañi. Lwa amuhela li—li liñusa, busihu bobuñwi, ka teni kiloko. Lwa funduka, kakusasana habusa, mwendi ka foo. Kakuli, musihali zazi lelitatama, Ni swanela ku funduka hape. Mi mane lwa bata kupazula mataya kwa mota ya luna, kuli luye kwani.

14 Muuna muhulu yani, ba mutisa ha Ni yo fita kwani. Mi nana ni taulo nyana fa maheta a hae, ali kuina fani inge mupatriareka wa mucembele. Ne si ezize fela nto yeñwi kuna. Mi ha Ni yo mu talimela, a talima.

15 Nekuna ni musali yomuñwi wa mucembele yana inzi fani, yana li alimuñwi wa ma membala ba keleke ya hae kakuli na kutazanga mwa malundu, sibaka sa mashala mwa Kentucky, kwa na tapiseza ka ma centi a fikitini ka lizazi, ku luma muuna hae kwande mwa masimu ku yo kutaza Evangeli. Fani neli lilimo ze lishumi Ni si ka pepwa kale; na kutaza Liñusa! Mi a talima kwa ni kwa, mi a mu biza kuli “kuku,” mi yena nana ni myaha ye eite ya kupepwa. Mi kuku wa hae na sa fitelezi myaha ye nainte. Mi kacwalo ali, “Kuku, mu bonahala busweu sina litwa.”

16 Na hupula kuli, “Cwalo kona mwa swanela ku ezeza mukutazi kwa puteho ya hae, ha lobezi, ainzi fani, inza shwa. ‘Kuku, mu bonahala busweu sina litwa.’” Eehe.

Mi atalima kwa mulaho. Ki hali, “Muzwale Branham?”

Se nili, “Eeni, Muzwale Kidd?”

17 Ki hali, “Kihande, Ni sepa kuli hakuna kunga nako yetelele kufitela Aluma koloi yaka fafasi.” Ali, “Na funduka, kakusasana cwana.”

18 Mi se Nili, “Kihande, Muzwale Kidd.” Se nili, “Cwalo kona mwa kuezeza.”

19 Mi Kezeli Kidd yani, ki ba bakai baba mu ziba? Eehe. Na ziba, oh, buñata bwa mina mwa ba ziba. Kacwalo ki hali. . . Ki hali, “Kono, Muzwale Willy, ki kuli ha u boni kuli Mulimu uswanela kufolisa bo ndate cwale?”

Ali, “Luli, Wa kona.”

20 Mi ki hali, “Kihande, kanya ku Mulimu!” Ki hali, “Haiba Ubata ku ni folisa,” ali, “Ni—Ni itukisize kubeleka hape.”

Na hupula kuli, “Myaha ye eite ya kupepwa!”

Na kala ku kubama. Ki ha kutaha pono. Ani neli mafelelezo.

21 Mazazi amabeli kasamulaho, ba muisa kwa sipatela. Bashimani ba hae neli mapokola mwani mwa tolopo yani. Ne ba si ka li utwisisa. Ba mu kutisa ku dokota. Mi dokota a ñwaya mwa toho ya hae, ali, “Muuna, hakuna mutala wa zona o Ni kona kufumana kai kamba kai, cwale, a ku ni bulelele likande la hao.” Mi a bata kupazula sipatela fahali. Ki yo ni tepu ya hae, ki yo ataha, inza liza Liñusa. Mi ba pila kwani kwa. . . Mi ona kwani bukaufi ni Chautauqua ona kwani.

22 Cwale, Ni sa kala fela *Maswayo Asupa*, sina mo ne lu ezelize *Masika A Likeleke Zesupa*. A ni biza busihu bobuñwi, mi ali, “Kihande, mulatiwa, kambe Ni na ni masheleñi,” ki hali, “Ne ni ka tabela kutaha ni to kubona kafoo.”

23 Se nili, “Ulibale zeo, musala Bo. Kidd. Sibaka sa—sa hao si libelezi. Wena ni bo ndate amutahe.”

Ki hali, “Ifuyolwe pilu ya hao yenyinyani!”

24 Mi seo si ni utwisa fela hande, mwa ziba, kakuli ba ni susuezanga. Ka myaha ye eite-faifi kamba eite-sikisi ya kupepwa, mi ba sa itiisa. Mi na, ni bilaele fa, ka myaha ye fifite-sili. Kacwalo, mawi, si ku utwisa kuli unge mayemo a kutiya pilu.

25 Kihande, luna ni zeñata hahulu za ku ambola, ni sikwata sesinde luli sa kuambola ni sona, kiñi, lukona fela kuina mo licika la busihu.

26 Kono mu lukela kuya kwa sikolo sa la Sunda kakusasana cwale. Cwale, mu lukela kuezwa cwalo luli. Mi muhupule, Ni bile ni bulelanga kamita kuli, ki sibi fela sa kuluma bana ba hao kwa sikolo sa la Sunda. Musike mwa eza cwalo. Zeo li fosahalile. Mu ba isange, kamita. Mwabona? Kamita muyange ni bona. Yena . . . Mi kacwalo, cwale, yeo ki kakusasana.

27 Kacwalo, cwale, haiba muna ni ku sa ya kwa musebezi, ku to teezeza, kuba ni luna ni kulapela ni luna, ni zeñwi cwalo, mu lukela ku sa ya kwa musebezi, ku lukile. Muzwelepili fela ku sa ya kwa musebezi, kono musike mwa palelwa kutaha kwa keleke. Musike mwa palelwa kutaha kwa keleke. Hanina ku mi liehisa hahulu kuli mupalelwe kutaha kwa keleke. Kono haiba mu lukela ku sa ya kwa musebezi, fa ni fa, zeo halina ku bilaeza. Cwale, kakuli, musebezi, sani ki sinkwa sa mina fela ka zazi, mi, mina, Mulena na sepisize ku lukisa zeo. Kacwalo, kono, se, mulukela kuba baba sepahala kuli mutahe kwa keleke. Mwa bona?

28 Na sepa, kamuso kakusasana, Ni inzi ni muzwale yomuñwi yomunde mo mwa muleneñi. Kono ha Ni zibi kuli libizo la hae ki lifi cwale. Ni sepa kuli li bizwa Apostolic Church, kamba Apostolic Church, nitaluse. Ki Apostolic Church. Na—Na kona ku mu ziba muzwale. Libizo la hae haliyo fa pampili. Kono Ha—Ha ni zibi kuli muzwale yani ki mañi ka nako ye. Mi kamuso busihu, kwani. . . [Muzwale uli, “Macias.”—Mu.] Kuti? [“Muzwale Macias.”] Muzwale Macias. Oh, Macias. Oh, ki keleke ya si Mexican. Kana ki cwalo nji? Oh, kana yani ki yena yana ngile sibaka sa Muzwale Garcia fani ha na zwile kwanu? [“Kulukile.”] Kulukile. Sani ki sesinde luli.

29 Kuli, Ne ni amuhezi liñolo, kwanu nako yeñwi yefitile, kuzwa ku mwana hae wa musizana, kwani. . . Muzwale Garcia, kwani mwa—mwa California, u sa swalelezi. Kacwalo, Ni itumezi hahulu. Mi Ni boni Muzwale ni Kezeli Garcia hane Ni li kwa San Jose, Na lumela, ni Muzwale Borders kulo kwani. Baiketile hande fela. Hanina kulibala masihu ani kwania kwa keleke nyana ya Mexican yani. Ne ni si ka utwa hahulu zeñata

za “Gloria a Dios” mwa bupilo bwaka kaufela. Hanina kulibala zani, “Gloria a Dios.”

<sup>30</sup> [Muzwale Williams ubulela ni Muzwale Branham—Mu.] Mawi! Ni itumezi, Muzwale Williams. Zeo ki zende. Lipula ze mianda ye fifitini, kakusasana, mwa keleke mo. Muli, mañi ni mañi amu tahe, haiba ha muna kuya. . . Cwale, amu libelele fa muzuzu. Kihande ni tokomele taba yeo. Ni bulezi nto yeñwi ye fosahalile kanti. Batili. Busepahali kaufela, uswanela kuba fa sibaka sa musebezi wa hao. Mwabona? Musike. . . Cwale, zeo li lukile.

<sup>31</sup> Mi kacenu Ni fumani kuli bona. . . Na bona tende. Ne ni li kwanu kwa Sixteenth ni Henshaw. Kamba, sani kona mo ne siinezi ha ne Nili kwani, ona kwa Arizona kwanu, mwendi ka myaha ye seti-faifi kwa mulaho, neli fela mukwakwa omasila ni maluli. Na zwela kwani ko ne bainzi, mi neli kwa Sixteenth ni Henshaw. Ne ni pila kwani ni sicaba sesiñwi, Francisco, ni—ni cwale hamuna kuziba sibaka se si swana. Mane li cincize libizo. Ni sepa libizwa kuli Buckeye Road cwale.

Mi, oh, lika mo li cinceza, kono Mulimu ha cincii.

<sup>32</sup> Mi kacwalo Ne nili kwani ni kubona muzwale yana ni mukopano wa tende. Muzwale yomuñwi kwani yana ni tende. Ne ni ile kuli Ni yo mubona, kono ne Ni si ka mubona kai kaufela, ku mu bulelela kuli ne lu si ka tela kangisano ni yena. Kono, kuna ni fela batu ba bañata kwanu!

<sup>33</sup> Ni hupula Jack Shuler. Ye ikaba nto yende ku mina balikani ba Methodist. Ha Ni taha kwanu nako yeñwi, neli kwa neli fa Madison Square Garden, Jack nali fande kwanu fa—kwani kwa sikolo se si pahami. Mi—mi Na mu biza. Mi se Nili, “Muzwale Jack?”

Ki hali, “Eeni. Kana yo ki Muzwale Branham?”

Se nili, “Eeni.” Se nili, “Ni matela kwanu ku wena.”

<sup>34</sup> Mi ki hali, “Batili.” Ali, “Batili. Ni inzi fela fa nako yetelele mi ni cile nako ya hao.”

<sup>35</sup> Mi se Nili, “Oh, Ni swabile, Muzwale Jack.” Se nili, “Ne ni si ka. . .”

<sup>36</sup> “Ah,” ki hali—ali, “zeo li lukile, Muzwale Branham.” Ali, “Ne ba bata fela kuli niine fela.”

<sup>37</sup> Se nili, “Oh, sikwata sa ka hasina ku kataza kwani, nihakuli cwalo, Jack,” Se nili, “kakuli buñata bwa baka kaufela ki Mapentekota.”

Ki hali, “Kakuli, ba ka, bacwalo nibona.”

Se nili, “Eehe?”

“Kiñi,” ki hali, “luli.” Ki hali, “Ni mupentekota.”

38 Se nili, “Cwale, ki hande usike wa tuhela kuli Bob a zibe sani.” Ki bo ndatahe, mwa ziba. Mi ki ba Methodist, ni bona, baba tampakani mwa booya bwateni, wa ziba.

39 “Kihande,” ki hali, “Muzwale Branham, kana ha u zibi kuli—kuli pentekota ki sikamañi?”

Se nili, “Na sepa cwalo.”

Ali, “Ki mu Methodist yaba Orthodox.”

40 Yeo ki niti fela, Orthodox wa Methodist. Yeo ki niti. Kambe keleke ya Methodist ne ika zwelapili ni liñusa la yona, ne i ka yo kenelela fela mwa pentekota. Ke—ke Keleke ya niti kona mo ne i ezelize.

41 Batili, batili ha ki ku nyanyifaza kopano ya henu cwale, muzwale. Mwabona? Kakuli, pentekota ha ki kopano. Ba likile kueza cwalo, kono ba palezwi luli kuzona. Mwabona? Ki zibo. Ehe. Pentekota ki ya ba Katolika, kamba—kamba Majuda, kamba mutu kaufela ya ba. . . Pentekota ki kutwisiso, isiñi kopano.

42 Mi cwale haiba kuns ni ya apuzi Bibebe ya hae kamba ye kwalilwe, mi mutabela kubala ni na Manzwi alikani. Ni tabela kubala Linzwi, mina bo? Kakuli, kasumulaho wa lika kaufela, se Ni ka bulela sa kona ku palelwa, kakuli Ni mutu. Kono sa bulela Yena ha si koni ku palelwa. Mwabona? “Lihalimu ni lifasi li ka fela, kono Linzwi la Ka halina kufela.” Oh! Kana ha ki nto yende yeo? Linzwi la Hae halina kufela. Ha ki nto kwa kanya ni yeo! Linzwi la Hae halina kufela.

43 Cwale ha lu baleñi busihu boo kuzwa, ni kunga tuto nyana kuzwa, ku se Ni ka nga ku ba tuto, haiba Mulena alata. Ki mwa Buka ya Amosi, bupolofita bwa Amosi. Mi apila mwendi ka myaha ye mianda ye sebene ni. . . Ni sepa kuli ki myaha ye mianda ye sebene ni eite-sebene kutaha kwa Krete ku si ka taha kale. Halu apuleñi mwa kauhanyo ya 3 ya Amosi, Linzwi la Mulena ka Amosi. Mi Na—Na lata muuna yo. U talimwa kuba alimuñwi wa bapolofita babanyinyani, kono kaniti nana ni Linzwi la Mulena.

*Mu utwe linzwi la MULENA la bulezi fahalimwa mina,  
Mina bana ba Isilaele, fahalimwa lusika kaufela lo Ni  
zwisize kwa naha ya Egepita, nili,*

*Ni zibile mina fela. . . mwahala masika kaufela a lifasi:  
Ni ka mi nata kabakala bumaswe bwa mina.*

*Kikuli ba babeli ba ka zamaya hamoho ba sa  
lumelelani?*

*Kikuli tau i ka bopa mwa mushitu ku sina se sweli? ni  
mwana tau a ka bopa mwa musima wa hae, a si ka swala  
se siñwi?*

*Kikuli nyunywani i ka swasisa mwa lilaba fafasi, ku si na siteo? mi lilaba le li teilwe li ka tulela mwahalimu, li si ka swasa se siñwi?*

*Tolombita ha i liziwa mwa munzi, kikuli batu ha ba sabi kaufela bona? mi cwale ziyezi ika taha mwa munzi i si ka tahiswa ki MULENA?*

*Luli Mulena . . . ha na kueza se siñwi, a si ka sebela mulelo wa hae kwa batanga ba hae baplofita.*

*Tau i bopile, ya si ka saba ki mañi? Mulena MULIMU u bulezi, ya ka hana kuplofita ki mañi?*

44 Mi Mulena a ekeze limbuyoti za Hae kwa Manzwi aa.

45 Meto a amasisani mwendi na sa titihani maswe, sina lizazi le li cisa ha ne li monyeha katata kakusasana wani ni benya mulelu wa hae o musweu ni milili ya hae, hana pumahanya lilundu kwa mutulo wa Samaria ni kutalima fahalimwa munzi. Liapalo za hae neli ze zibahala hahulu, ni mahutu a hae ayezi maluli. Na si ya buheha ha talimwa, kono nana ni kuli SA BULELA MULENA KISONA kwa sicaba.

46 Ki shutano mañi kacenu kwa kuhasanya kwa evangeli ya luna ya kacenu! Ha ki tukiso kwa kuipitela ni yeo ye lunani, kufita yena!

47 Mutangana nyana yo, hakuna u sili kwanda Amosi, muplofita wa niti wa Mulena, ni Linzwi la Mulena, la lusika lwa sibi lwani! Ona yasina sabo, muuna yomunyinyani yo na plofitile mwa mazazi a Jeroboami wa bubeli.

48 Jeroboami nali ya butali, ya talifile, muuna ya butali, kono nali mulapeli wa maswaniso. Mi Jeroboami na isize mubuso wa hae fahule, kono nali mwa bulapeli bwa milimu. A ya ka nzila ye fosahalile. Kono mubuso no kondisa za ona mwatasa Jeroboami.

49 Mi, hañata, bufumu butisa sibi. Batu ba bañata ba talimela fa bufumu ku ba limbuyoti. Bwa kona kuba cwalo, haiba lu bu nga hande. Kono hañata bu isa kwa sibi, ku sa kuteka Mulimu.

50 Mubuso no bubaana mwa lizazi la hae. Mi, ni sicaba. Na isweli bulikani ni linaha kaufela ze ne mu potolohile.

51 Ni ka mo Isilaele na kenezi mwa sibi se si sabisa, ku ba kwahule ni Mulimu, aba kwahule ni litaelo za Hae ni mulao ya Hae, mi a ikela fela kusili, ku icambaela feela, ka mabifi. Basali ne ba zamaya mwa mikwakwa, mwa liapalo za bona zende, za butanya. Baana ne ba i kasanela, inge ba beca ni kunwa. Mandu mwa kuitabiseza, kona mo lu kona ku abizeza kacenu, sibaka sa nyakalalo, se si fumaneha mwa tolopo.

52 Sibi ne si shwauliwa ki bulumiwa, ne si li fela tantali tantali fa ngandaleza. Sibaka se sinde, sibaka se situna sa bapoti, mi ne si li fela fa ngandaleza. Sibi ne si sa omanyizi fa takala mane. Ne ni ceputuka mo si latela.

53 Mi cwale sipolofita se ha si taha, ne si bonahala kuli ne si sike sa . . . Ikona kuba nto ya mafelelezo ye kona ku ezahala. Kuya ka sa na bulezi mupolofita yoo ku bona, ikona kuba nto ya mafelelezo ye ne ka ezahala ku bona, kuzwa ka mwa na kutela lusika lwani. Kono, ibo, mwahala myaha ye mashumi a ketalizoho, mubuso wa bona wa sinyeleza lifasi kaufela.

54 Mulimu u bulela Linzwi la Hae. Mi Linzwi la Mulimu liswana sina Peu. Mi ha Li calwa, mupolofita yani ha taha ni Linzwi la Mulena ni kubulela manzwi aa, ana ni ku ezahala, haiba ne li Manzwi a Mulimu. Mi cwale—cwale Linzwi la Mulena ha li toziwa, mi Ki Linzwi la Mulena, Li tamehile kuezahala mwa sibaka sa Lona ni mwa mwaha wa Lona.

55 Lwa kona ku Li bona, kasamulaho wa myaha ye likiti kiti, linga sibaka sa Lona kacenu. Li lukela kueza cwalo, kakuli Ki Linzwi la Mulena, mi ha Li koni kushwa.

56 Yomuñwi nasweli kuambola zazi leliñwi ni na, mi ali, “Genese ki ya buhata, ni mazazi a silezi a pupo, ya Na bulezi.”

57 Se nili, “Genese 1 kuya fa (Genese) 2 ki nto ye shutana luli.” Kauhanyo ya 1 ya Genese ili, “Kwa simuluhho Mulimu na ezize lihalimu ni lifasi,” kihona. Mwa Na ezelize, ni ha Na ezize cwalo, zeo li itingile ku Yena. Eeni. Mi, “Lifasi ne li sina sibupeho, mi nelili fela,” mi lukalela kuzwelela ona foo, kwa pupo. Kono, “Kwa simuluhho,” kuisa kai, ha lu zibi. Lipeu zani kaufela za Na nani mwani fani mezi ha taha, bupilo bwa kutela mwa mubu hape, za taza lifasi. Mi Linzwi la Mulimu ha li cezwi, hakuna se si kona ku Li paleliswa kuezahala.

58 Mi mupolofita nyana yo ya si na sabo hakuzibahali kwa na zwelezi. Ze lu bulelelwa feela, ki kuli na li mulisana. Ha lu zibi kuli ndatahe neli mañi. Ha lu zibi kuli mahe neli mañi. Ha lu zibi kuli lusika lwa hae ki lufi, hakuna se siñwi ka yena.

59 Cwalo kona mo baana baba lumilwe ki Mulimu ba tahelanga mwa sibaka. Ha ku zibahalangi ko ba zwelelanga, mi ba latehanga ka mukwa oswana. Ne lu si kaba ni piho ka yena, se ne si ezahalile.

60 Yena muuna yomutuna yo Jeroboami, yanali—yanali mata a matuna a munahano wa toho, mi nana ni naha mwa bufumu, ibo, nali mwa sibi.

61 Ha nizibi, haiba ne lu si ke lwa swanisisa mufuta nyana wani busihu bo kwa naha yaluna, naha ya luna luli, mwa sibi mo i inezi. Ibo, punyuhho, lu ka amuhela mitelo, ona fa kapili fela, Ni utwa cwalo. Kakuli, mutu kaufela wakona kubala mwahala mibamba mwani, liketisa ze taha. Kono, ni zeñwi cwalo, lika ze kaufela zesweli kuezahala.

62 Isilaele, bakutazi, baprisita, ni muuso ne ba siile Linzwi la Mulimu kwa mulaho, ni ku keshebisa. Mi kona libaka naha hane ili mwa buino bo ne ili kubona, ni ha ne bana ni baprisita



babañata fela, mi neli fela bakutazi babañata be bakile baba ni bona. Kono ne ba siile Linzwi la Mulimu, ba zwa ku Lona. Mi kamita ibanga ka nako yeo, foo Mulimu a lumanga mutu kuzwa kusili, ku to li kasheza mwa nzila yeswanela hape. Mutu yomuñwi ya si na sabo uka zuha ni Linzwi la Mulena ni kunyunga sicaba kukutela kwa Linzwi hape.

63 Ne ni sweli fela kulemuha fa. Ni ñozi nto yeñwi fa, yeo Ni tabela kuswanisisa teñi hape. Foo ki fa kauhanyo ya 2, timana ya 4. Ni tabela ku ibala. Amuteeleze ku mutu nyana yoo ha bulela taba yee.

*Sa bulela MULENA uli; Kabakala lifoso ze talu z Juda, mane. . . zene, Ha ni na ku kelusa koto ya hae; kakuli ba fulalezi mulao wa MULENA, mi ha ba si ka mamela litaelo za hae, kono ba kelusizwe ki maswaniso a bona, a buhata e bokuku a bona ba zamaile ka ona:*

64 Mwabona ko ne kuna ni liñusa la hae? Ku libeya hande kwa mulaho, ko ne ba zwile kwa Linzwi la Mulimu. Ku mubali wa Biblele kaufela, seo si ku eza kuli uzibe kuli nali mupolofita wa niti. Na ba kutisize kwa Linzwi, kone ba wile.

65 Oh, mwendi likeleke za bona ne li fumile. Neba na ni miyaho yeminde. Muleneñi wa bona mwendi no li omunde kufita Phoenix. Neli kwa Samaria, sina kaufela ha lu ziba, neli sibaka se situna sa bo sibuhabuhi. Mane u sa li cwalo, ki sibaka se sinde.

66 Kono, niteñi, ne ba zwile ku Mulimu. Mi Mulimu aluma numwana yo kubona. Ha ki liñusa ni leo la kalimelo kuzwa ku Mulimu! Mupolofita nyana yo la na ba tiselize.

67 Cwale, Amosi na zwelela mwa lihalaupa, kutaha kwa munzi o bubaana. Ki kabakaleo meto a hae ana mu file Mulimu, na bile amasisani ha na pahami fa lilundu. Kiha . . .

68 Isiñi inge sibuhabuhi mwana ka ezeza, likalibe, kubulela kuli, “Mutalime kuleka mo ba sweli kulekela basali kaufela. Mutalime fa mikwa yeminca ye ba nani kwanu,” kamba mane isiñi sina baana babañwi mo ne ba nahanela, “Libaka zebizwa kasino, ni zeñwi cwalo, neli zeñata hahulu mwa muleneñi,” kamba bakeñisa kuli ne ba kaina mwa makozwana a nzila ni kutalima batu ba sibupeho sisili, ni kulakaza.

69 Kono mupolofita yo, meeto a hae a kusufala bakeñisa sibi sa na boni mwa munzi. Na sa kusufali bakeñisa za na sweli kubuha, kono neli kubona buhule bo ne se baile kuba kwahule ni Mulimu, sicaba sene si bizizwe ni se si ketilwe. Kana mulemuhile fa? Na ize, “Ha ni zibi batu basili kwanda mina. Ne ni ku zwisize mwa Egepita, mi cwale wa Ni toboha ona cwalo.”

70 Mi cwale mupolofita yo, hana zwa kwa bulisana bwa hae kwa mulaho wa matakanyani a kwa mutulo, ka Linzwi la Mulena, mwa na talimela fa muleneñi wani. Mwendi na itauzi mufufuzo. Liapalo za hae ne li ze pazauhile. Mi mane nasina masheleñi

amañata kuli aitifele sibaka sa—sa malobalo busihu bwani. Ne li sina shutano ku yena. Nana ni liñusa lene li tuka mwa pilu ya hae, mi na na ni ku litisa. Ha ki seo fela, kono ki tozo ya Moya o Kenile yene mu wezi mwa lihalaupa lani, ne i kwalile meto a hae kwa bukabali bwa lifasi.

<sup>71</sup> Mi mutanga ya tozizwe wa Krete kaufela, meeto a hae akona ku fougazwa kwa lika za lifasi. Ha boni lika zeo. Ha na taba ni zona. Bana ni nto iliñwi: Krete uinzi fapila bona. Kona fela ze ba bona. Ha ba sabangi sika kaufela. Krete uinzi fapila bona. Liñusa lina ni kufitiswa kwa sicaba, mi hakuna ze ba yemela. Ha ukoni ku Li cisa ku bona. Mwakona ku ba beya mwa njele, tolongo, kaufela se mubata. Ba ka zwa ku yona hape. Bao ki bona batoziwa ba Mulena. Eeni.

<sup>72</sup> Na talimile fa kubola kwa munzi, linyawe ni butanya, ni kubola kwa moya mwa munzi.

<sup>73</sup> Hani zibi kuli ki batanga babakai ba Mulena, ba ba silezi mwabuse bwa lilundu kwanu, bene ba ka talima fa Phoenix? Mu taha kwanu ka bukabali, ni ku to ola kambalala, ni kupumula, zeo mane halukoni kubulela ka lisheha.

<sup>74</sup> Kwanu ha ki kale hahulu, nako yefelile hane Ni li kwanu, inge ni inzi fa lilundu la South Mountain, musala ka uinzi kwa mulaho kwani, Ne ni sweli kuambola ni yena. Se nili, “Mwendi ka myaha ye mianda yemilalu kamba yemine kwa mulaho musindi wo neli sibaka sesinde, hakuna ku kakanya, fani nuka ya Salt River inge i sa bubela kwanu, ni mawawa ni zeñwi cwalo, ni mikakani inge itubula matali. Mutalime mo li inezi. . . . Taba yateni kaufela se ibile swalisano ya sibi.”

    Mi ki hali, “Kihande, kona kuli ki sikamañi se si ku tisa kwanu?”

<sup>75</sup> Se nili, “Ki se se si ni tisa kwanu. Niha ikaba mwa lififi la ona ni mwa sibi se sili mwa munzi, kuna ni bupaki bobuñwi bwa Mulena, libupiwa ze pila za Krete, kulo kwani. Ni tile ku to beya liheta laka hamoho ni bona, ku to monyeha Liseli la Evangeli. Babañwi ba mizwale yeminyinyani bani kwani mwa linzila ni manganaandila kokuñwi, ba liezize hande, ni ku fufulelwa mane, ni kulila ni ku lapela katata, ka liñusa fa lipilu za bona. Ni tile ku to nepela mwateni siemba sa ka hamoho ni bona, ku to monyeha Liseli la Evangeli ye si ka zwakana ya Jesu Krete kwa sibaka sesituna sa litekisano mwa munzi wo wa Phoenix.”

<sup>76</sup> Ku ona, ni ha, u kona kuba sibaka sesinde; haiba mutu akona fela ku ipumanela bufumu bwa hae bo akonile ku ipumanela, kuicahela mandu a mande inge kwa Camelback Mountain, Cavalier Mountain. Ha ne Ni fita kwani, kiñi, myaha ye seti-faifi kwa mulaho, lani neli lihalaupa. Ne lu pahamanga litonki kwani fa mikokoto ya lipelesa. Ni kwa South Mountain kwanu, inge lu matisa litonki ni lipelesa.

<sup>77</sup> Mi cwale se i bile sibaka sesituna sa litekisano mwa muleneñi tuna moo. U zamaya u hula kuba likitikiti ka likitikiti. U yandulukile, kufita cwale kubola kwa mileneñi se kutisa maswabisa. Musi usweli ku tushana feela. Mufutumala wa mina u maswe mane inge kwa Jeffersonville, Indiana, mwa Musindi wa Ohio. Kuselaela . . . Mutu kamita u silafaza lifasi. Mi ma Indian hane ba pila mwateni, neli sibaka sesinde. Kono cwale mukuwa ha taha, atisa libi za hae, ni macwala, ni butanya. Mi u sinyize libaka kufitela liba nto yesina tuso kwanda kuba simbotela. Ha ki taba ni yeo ha i talimwa! Mulimu uka si yundisa mwa lifasi, leliñwi la mazazi aa.

<sup>78</sup> Mi U keta sicaba, mwa kuluka, se si ka busa fa lifasi, sina Yena mwa buseza ka kuba Mulena. Usweli kunga sicaba sa Hae ka Libizo la Hae, sicaba sa Mubuso wa Hae.

<sup>79</sup> Cwale, kikuli sikwata se si butali se, sa kutalifa, sa batu ba Isilaele; yena mueteleli yomutuna, yamata, ya bunangu kamba mulena, Jeroboami, ya nali muuna ya butali; mi kana ne ba ka muteeleza mupolofita yomunyinyani, ya sa zibahali yoo? Kana liñusa tuna le, le li tuka mwa pilu ya hae, kikuli na ka kona kuzamaya mwa mikwakwa, ni sicaba sateñi, ni bona basali, ne ba ka tina hande hape, baana ne ba ka siya mipanda ni libaka za sibi, ni ku sikuluhela ku Mulimu ka kutazo ya mutu yomusisani, ya sa zibahali yoo? Yani neli puzo yene ka taha mwa munahano wa hae, kamba itaha mwa munahano waka, ha Ni mubona inza yemi fani, mi ni toho ya hae yenyinyani, ya sitenda inge ibenya mwa lizazi. Mulelu wa hae wa limbi no lepelela kwa koti ya hae. Inza talima mwahali mwani, ni kutalima fa munzi wani, mi meeto a hae aba busisani, mi pilu ya hae inge i nataka.

<sup>80</sup> Mi ibo, mwahali mwani, a bona Mubuso wa Mulimu, o no lukela kutomiwa mwani, kaufela zona ne li wela mwa sibi ka bukiti. Mi ka kalimelo yezwa ku Mulimu, yani ne i ka kalimela mulena ku mukupeleli wa mwa nzila, muprisita kaufela, mukutazi, mulena, mubusisi, muika, kamba nali sikamañi kaufela, nana ni sikuto sa Mulimu sa na ka ba kuta kasona. Kakuli neba . . . Mu nahana kuli ne ba ka mu amuhela. Oh, kana ne ba ka li utwisisa?

<sup>81</sup> Muhupule, na si na ya muyemela. U tile ka kushutana kwa babuleli baba shutani baluna kacenu. Nasina tumbo kwa baprisita. Mane ne ba sa zibi kuli mutangana yani neli mañi. Kono ne ku na ni Alimuñwi yana ziba yo nali yena. Yani neli Yena ya na mu lumile. Zeo kaufela ne li balelwa, ku yena, ibile fela na ziba kwa na lomezwi. Liñusa la hae ne li hasana ka kuswana fela, kupale kumane.

<sup>82</sup> Na si na mapampili a kopano ana ka muyemela ha ya mwa muleneñi, kutaha kwa katengo ka bakutazi, kuli, “Mizwale baka, Ni lumilwe ki sikwata sesiñwi se, sikwata sa bulapeli se. Ni wa siemba sa *kuli-kuli*.” Na sina sani. Na sina yeñwi ya lika

zani. Mane na si na neba kadi ya kopano ya ku bonisa kuli na yemi mwa kopano yende ni ba katengo ka bakutazi kuzwa kwa naha ya na zwelela. Na si na mulikani ya na yema ni yena mwa mukopano wa hae. Mane na si ka buza mutu ka zona.

<sup>83</sup> Mutangana yani na yemi mwa sibaka se si tata. Ne ku kaba hande kuli mutu a ikutele a ikele, ni ku yo i lisezanga mutapi wa hae hape, ku yo kaliseza fa na siyezi, kambe na ka hupula fela cwalo.

<sup>84</sup> Kono, mwa bona, muuna yani na si ka nga muhupulo wa bubeli. Na si ka nahana za mapampili a bupaki, kamba neba kunahana za kadi ya hae ya kopano. Na hupula fela nto iliñwi, mi lani neli Linzwi la Mulena. Mulimu na Li file ku yena ka taelo, kuli una ni kuya kwani ku yo polofita. Zani kona ze ne bonisize shutano ku yena. Nana ni Linzwi la Mulena, mi kabakaleo a i kutwa kuli na sa tokwi mapampili a bupaki, kamba tumbo ifi kaufela, kamba swalisano ifi kaufela. Taba fela yana tokwa, neli, nana ni kutwano ni Mulimu, mi kona fela ze ne tokwahala kihona. Haibile fela nali mwa tato ya Mulena, ki shutano mañi ye ne bateñi? Haibile fela na ziba kuli liñusa la hae nelizwa ku Mulimu, Mulimu na ka paka liñusa lani. Nana ni kueza cwalo.

<sup>85</sup> Mi cwale ha na tisize liñusa, ku bonahala kuli ne ku kaba baprisita kaufela, ni bakutazi, mi bapolofita ba lusika lwani, ne ba ka taha ni ku to baka, kakuli ne ba ka bona buino bwa sibaka, kubona kubola kwa buino bwa butanya. Kono ha kala kupolofita ka Linzwi la Mulena, Ne li la buenyi kubona. Hakuna ze ne ba ziba ka Lona.

<sup>86</sup> Ki siswaniso sa zeo kacenu. Sa buenyi, liñusa la Mulena! Keleke hakuna se i ziba ka lona. Ha ba utwa batu ba nanuha ni kufa liñusa mwa malimi a sili, ni kufa toloko yateni, ni kubulela nto yeñwi ilibelezi kuezahala, sicaba sa sikulula toho ya sona ni kuya kusili; kunahana kuli sicaba sani sa takana. Ha ba bona mutu ya nanuha mwa Moya ni kupolofita, kamba kufa liñusa lelizwa ku Mulena, kiñi, sicaba sa keleke ya lifasi kacenu si nahana kuli mutu ya cwalo u latehezwi ki ngana ya hae. Ki za bueñi ku bona, kakuli ki za buino bo buswana, kacenu, sina Samaria mwa na bezi mwa lizazi lani.

<sup>87</sup> Kono, muhupule, linaha ha li ba, kamba keleke ya Mulimu kamita haikena mwa buino bwani, Mulimu na kona kuzusa mupolofita ni Linzwi la Mulena ku bona. Kiniti.

<sup>88</sup> Ne se ba i itibezi, kale kale kafoo. Kono ne ba lukela kuhupula, hakuna taba kamba ne ba ka talima mwa libuka za bona, ni kubona haiba ne bana ni mutu ya zwa mwa likolo zabona ya bizwa Dr. Amosi, kamba nee. Ne ba lukela kuziba, kuli, “Mulimu wa Abrahamama na kona kuzusa bana kwa macwe aa, kamba bapolofita, kuli batise Linzwi la Hae.”

<sup>89</sup> Mi yena Mulimu yaswana yani wakona ka nako ya busihu bwa kacenu sina mwa Na inezi nako yani. Mi ku kaba cwalo,

kiniti, ne ba sa utwisisi kwa sicaba. Wakona kuzusa baana, kutoza baana, kuli batise Linzwi la Hae. Wakona kubeya Linzwi ku mutu, ku mu luma, ni kubonisa kuli Ki Mulimu, ka mutu ya ka i kokobeza iliyena ni kuipeya ku Mulimu, mi a sa sabi kunga Mulimu ka Linzwi la Hae. Wakona kueza cwalo, mi Uka eza cwalo. Na sepisize kuli Uka eza.

<sup>90</sup> Mi Manzwi a Hae, eeni sha, na pakilwe ku bona mwa lizazi lani. Kakuli, ona fani lusika lo lu swana lwani hane lu sa li teni, kaufela za na polofitile Amosi za to ezahala.

<sup>91</sup> Ha ni zibi kacenu, cwale, kuli kambe Amosi na ka taha ku luna, kikuli ne lu ka mu amuhela kacenu? Kikuli Phoenix ne i ka mu amuhela Amosi nji? Haiba yomuñwi kwabuse bwa malundu kwanu, kokuñwi, kamba yazwa kwa sibaka sesiñwi sa naha, ha ne ku ka taha mutu yo musisani cwalo, ya tinile ze pazauhile, mi atahe kwanu inza zamaya ni kubiza bakutazi ku kutela kwa swanelo, ni kubulela kuli, “Ni na ni Linzwi la Mulena,” kana munahana kuli ne lu ka mu amuhela? Batili kutokwa.

Taba yapili yene lu ka mu buza kikuli, “Ki sikwata sifi so fumaneha ni sona?”

<sup>92</sup> Mi ku cwani kambe na ka fetuha, ni kubulela kuli, “Sikwata sa Lihalimu”? Zeo likona kuba zenca ku luna, Na saba.

<sup>93</sup> Kono cwalo kona mo ne kuinezi linako zani. Mi mwendi ikona kuba nzila yeswana kacenu haiba Amosi ataha ku to iponahaza.

<sup>94</sup> Kifo, ka libaka fela la ze Ni bulezi, ha lu mu tiseñi kwanu, fa linako zelikani fela, ni kubona se lu nahana kuli uka eza. Mwa ziba sa na ka eza? Ni lumela kuli na ka palelwa ku lumelelana ni sikwata sa luna kaufela. Eeni, sha. Na ka palelwa ku lumelelana ni lituto za lituto zaluna. Na ka nyaza ba Methodist, ba Baptist, Presbyterian, Lutheran, Katolika, ni Mapentekota. Na ka kenya lika kaufela mwateni. Luli na ka eza cwalo. Na ka hana ku lumelelana ni lituto za likopano za bona. Na ka ya fela kulibana ni mutomo wa Linzwi, ni kukala hande fa Linzwi. Na ka kalisa mukopano wa hae kuya ka zakuli SA BULELA MULENA KISONA.

<sup>95</sup> Kiñi, kiñi, mu nahana kuli Phoenix ne ba ka mu amuhela? Kana mu nahana kuli Louisville ne ika mu amuhela; New York, Boston, Massachusetts, kamba kaufela ko ikona kuba, California? Batili, sha. Neba kaba mu kenya mwa tolongo mutangana yani kapili fela ba sa muswala fela kwani. Kaniti ne ba ka eza cwalo. Ne ba ka eza cwalo. Ha na ka kutela kwa Linzwi, Ni sepa hande be ba kaeza cwalo, kakuli sikwata kaufela ne si ka naha kulumelelana ni yena. Nekusike kwaba alimuñwi ya na ka lumelelana ni yena, kakuli ba lukela ku swalelela kwa lizo za bona ili kuli ba hanele Linzwi.

<sup>96</sup> Lu lukela kuhupla kuli ki mupoloofita wa niti. Haiba na kaba cwalo, mi haiba na li mupoloofita ya lumilwe ki Mulimu<sup>9</sup>, na

kaba liswayo lililiñwi ku yena, liswayo lililiñwi le li swanela le lu ziba kuli ki mupolofita: na ka ina ni Linzwi. Kakuli, koo kona ku kutaha Linzwi la Mulimu, neli kwa bapolofita.

<sup>97</sup> Mwa ziba za na kaeza? Na ka omanya ni ku kalimela lusika loo. Na ka nyaza musali kaufela ya kutile milili mwa naha. Na ka nyaza mukutazi kaufela wa kopano. Kaniti na ka eza cwalo. Na ka nyaza muzubi wa kwai kaufela, musali kaufela yatina tuputula kamba malukwe. Na ka ba pazula fahali. Kiñi? Ki ze lwanisa Linzwi. Ki niti luli.

<sup>98</sup> Mu nahana kuli ne lu ka mu amuhela? Kusina mukwa. Ne ba si ke ba mu amuhela.

<sup>99</sup> Na ka nyaza butanya bwa keleke. Na ka nyanganyisa munwana wa busupali wa mañonde wani mwa sifateho sa bakutazi bani ni kubulela kuli, “U talusa ku ni bulelela kuli u ipiza mutanga Mulimu ya tozizwe, mi ulumeleza kuyema fa katala basali ba henu inge ba apezi ka butanya mwahala ba ha ndate bamina, ni lika ze cwalo? U tuhelela kuli basali ba ku mina bayeme sina cwalo? U lumeleza baana ba henu kunyala habeli kamba halalu, ni kuba madikoni mwa likeleke? U talusa ku ni bulelela kuli uka swalelela kwa pampili ye butokwa yani yo nani mwa lizoho la hao, ni ku sikuluhela Linzwi la Mulimu kusili?” Oh, mawi! Na ka nyaza taba yateni. Eeni, sha. Butanya bwa keleke, ni butanya bwa ma membala, na ka bu shandaula kaufela. Mawi! Membala ufi kaufela, na ka wisakela fafasi. Tuto ya za bulapeli kaufela, na ka i lubaluba mwa liembaemba.

<sup>100</sup> Cwale, kana mwakona ku amuhela mutu ya cwalo? Batili. Hakoni kueza cwalo. Luli ne ba si ke ba eza cwalo. Ne ba ka lundula muuna yani mwa tolopo kapili fela mo ba konela. Kiñi, ba katengo ne ba ka kopano hamoho, ni kubulela kuli, “Kuli, lu lukela kueza sesiñwi ka se. Mubulelele kopano ya mina kuli basike baya kwani ku yo teezeza zani.” Batili. Batili. Ne lu si ke lwa mu amuhela, kupale kumane, ne lu si ke lwa mu amuhela. Kiniti. Ne ba si ke ku lieza.

<sup>101</sup> Muteezeze ku yena ha huwa. Oh, Na lata cwalo fa. Ni sweli kutalima hande ku sa na bulezi. Ki hali, “Yena Mulimu ya swana yo muipapata ku sebeleza uka ku mi yundisa.”

<sup>102</sup> Na ka bulela nto yeswana ni kacenu. Luna ma American lu itatelize mwa lika ze tabisa hahulu, ki miyaho yemituna hahulu, ni palo yetuna mwa likopano za luna, ni kabubo ka ka zibahala, ni bakutazi ba libaka za bukutazi ba ba lutilwe mwa ku kuzeza ni ku sa bulela sesiñwi ka zona, kakuli ba saba kuli ne ba ka lelekelwa kwande a keleke. Kiniti. Na ka bulela nto yeo mwa liemba emba, kakuli za lwanisa Linzwi. Kaniti ne li ka eza cwalo. Mi yena Mulimu ya swana yo lu ipapata ku sebeleza uka—uka cisa sika se, leliñwi la mazazi aa. Uka si pazaula mwa liembaemba.

<sup>103</sup> Amosi na si ka cinca manzwi a hae, kambe na ka ba fa kacenu. Mukutele kwa Linzwi! Oh! Sikamañi? Amu mu utwe ha ba bulelela kuli, “Mulimu na mi lata. U mi tisize. U mi ezize sicaba se si ketilwe.”

<sup>104</sup> Ni tabela ku mu utwa mwa keleke ya Pentekota nako yeñwi. Mu lumela kuli ki Amosi, mwendi wakona ku ni zwa kwa mulaho fa nako nyana. Mwabona? Eeni, na ba bulelela. Na sa keshebisi lika ni bona. Na ka li bulela katata luli mwa na konela, ni ku ba bulelela fo ne ba fosa mwa Linzwi.

<sup>105</sup> Yena Mulimu ya mi zwisize mwa mandu ezizwe ki batu, mandu a kubatisa blitupu, myaha ya kwa mulaho kafoo! Lilimo ze mashumi aketalizoho kwa mulaho, bo ndata mina ni boma ne ba zwile mwa milao ye ne tamilwe ni ku kenya lifasi ku bona. Mi Mulimu aluma sishemo sa Hae fafasi ni ku ku biza, kuzwa kwa sibi ni lika zeñwi ze—ze ne li mwa keleke. Mi cwale se mukutezi kwa mulaho, inge Samaria mwa na ezelize. Kuli, Mulimu na ba lukuluzi kuzwa mwa linaha zani, mi ba sikuluha ni kueza silikani ni naha yani, mo lubezi kacenu, ni kulika ku kangisana ni likeleke zetuna za likopano zani. Lu yaha likolo zetuna. Sikamañi? Halu tokwi likolo zetuna. Ku lukile; Hanina se ni nyaza ka zona.

<sup>106</sup> Kono nako kaufela ha munga mukalisi kamba mueteleli ya zwelapili mwa lizazi la hae, kihande, uka eza hande mwa lizazi la hae, kono, ha sa ile fela, kipeto ba yaha kopano fahalimwa musebezi wa hae. Konakuli ba ka ba ni sikwata sa ma Ricky kwani, ni bo Elvis, mi, taba yapili mwa ziba, ba kopamisa lika kuli li zamaelele ni bona. Mi cwale yomuñwi yo utaha ni kubeya sika mwateñi fela, e ya taha mi ya beya mwateni nto isili fela, kakuli ki munituti yomutuna wa ngana ya bunangu ngana yakwa Harvard kokuñwi, kamba nto yeñwi. Mi taba yapili, bakala kubeya mwateni *se*, ni kuzwisa *Se* mwateni, ni kubulela kuli *Se* ha si talusi *sani* ni *sani*. Mukutela hape mwa mukokolombwa o swana hape. Eeni.

<sup>107</sup> Kambe Amosi na kaba fa, na ka omanyana taba yatani ka swanelo kuisa fafasi. Na si ka yaha mukopano wa hae fa likeleke za na ka swalisana ni yena. Na si ka yaha keleke ya hae fa mayemo a kopano yeñwi kamba siemba nyana sa mwa keleke. Taba ya na ka eza, ne i kaba kuyaha mukpano ku ze li SA BULELA MULENA KISONA. Mulimu na ka mu yemela sina mwa kile Aezeza hañata, kubonisa kuli ku lukile. Ki hali, “Kuna ni butata. Kuna ni manyando mwa keleke ya henu.”

<sup>108</sup> Ki sikamañi sa na ka bulela kacenu? Ki sikamañi sa na ka bulela ka Linzwi la Mulimu lani le linze li lepelela fa pila luna? Timotea wa Bubeli 3, fo I bulezi kuli, “Ba kaba baitumbaeti, bainuneki, baba lata minyaka hahulu kufita kulata Mulimu; baba na ni ñole, baba seba batu ka buhata, baba sa koni ku iswala, ba ba toya batu baba lika kupila ka kuluka; ba ba

na ni mubonahalelo wa bumulimu, kono ba ka latula mata ateni.” Mu nahana kuli mupolofita wa kona kutaha ni kufitelela bupolofita bwani?

<sup>109</sup> Uka bulela kuli, “Li talelelizwe mwa meeto a mina zazi le,” ka mo keleke ne i ka bela ya sihali-hali, ni lika ze ne ba ka eza. Na ka—na ka tisa mi hupulisa Manzwi a Mulimu. U ka mi hupulisa sa bulezi Mulimu kuli U ka eza mwa lizazi le, kambe Amosi na ka mwa sibaka se. Ha ki seo fela, kono Mulimu na ka bonisa, ka Amosi, sa Na sepisize kueza mwa lizazi le. Kiniti. Na ka eza cwalo. Na ezize cwalo mwa lizazi lani. Yena kamita uezize ona cwalo. Kiniti.

Ne lusike lwa amuhela Amosi haiba na ka yema mwa sibaka se.

<sup>110</sup> Cwale, ka mo, “Mufuta wa bulapeli wani,” ayeme mwani mwa—mwa likwata za baopeli, ni—ni libaka zeñwi kaufela, sikwata sesituna sa baopeli ba mikanjo, ni—ni kuopela inge Mangeloi; ni kubina, busihu bo butatama, inge mioya. Yeo ki niti. Mwabona? Yeo luli kona niti. Babañwi ba taha ni mikanjo yemituna, ye ne ba tinile, ba bonahala kukaba sina lipalisa cwalo, ni kubonahala inge Sibupiwa sa lingeloi; ni kuyema fani ni kulatula Linzwi, inge moya o maswe kaufela mo no ka bela. “Kuba ni mubonahalelo wa bumulimu, kono ba latula mata ateni.” Uye, u bulele za kolobezo ya Moya o Kenile, bona, kiñi, uka—uka ku lundula mwa keleke. Mwabona? Kiñi? Una ni kueza cwalo. Kono ba ka yema mwa likeleke ze ni kutuhela ma membala ba bona, mwa malibela, ba minyauka ni kubina za rock-ni-roll.

<sup>111</sup> Mi Y.M.C.A. yaluna, Ha ni zibi kuli C yeo i yemela sikamañi. Mukene ku zona, hakuna zo kona ku utwa konji Libizo la Mulena uka- . . . Kana yani ki katengo ka ba Young Men Cursing Society?

<sup>112</sup> Na ina, ha ki kale hahulu, mwa hotela neli fabuse bwa Y.W.C.A. Mi neli maswabisa kubona basizana ba banyinyani fafasi fani, kufitela mwendi ka naini kiloko, kulika kuloba mautu a bona, ka kuminyauka. Yeo ki niti. Mi kaufela bona, ma membala ba keleke, baopela mwa kwaya, mi ba luta sikolo sa la Sunda. Hakuna sika kwanda diabolosi, yasweli ku luta bana ba banyinyani bani fa bulilo fani, mulao o pangilwe, o bizwa bulapeli. Kaniti. Mupolofita wa niti na ka kasheza nto yani mwa musi wa lihele kone i kalezi. Kaniti ki niti.

<sup>113</sup> Mu nahana kuli Amosi a ka kona kuyema fa katala ni ku kutaza Evangeli, ni kutalimela basali ba ba kukuzi milili yabona mi atokwe ku ba nyaza? Mu nahana kuli na si ke a bulela Isaya 5, ni Makorinte Bapili 14? Mi, oh, kana asike—kana asike a sulula zeo kubona? Kiniti. Na ka eza. A ka zamaya mwa mukwakwa ni kubona basali ba apezi tuapalo to tu kama, ba bonahala inge baana, liapalo ze kama luli kuli litalo libonahala fande, mane; inge ba shetumuka, inge ba minyauka, inge nema, ka kuzamaya



cwalo, inge basweli kuliza mahutu fa kuzamaya, mi munahana kuli muuna wa Mulimu hakoni kuyema fa katala ni ku omanyanya taba yeo? Kanti, ha ki hañata ha li bulelwa fa—fa katala. Mi mwani ki mwa likeleke za Pentekota, hape. Yeo luli ki niti. Ne i sike ya ba shutano ku Amosi. Uh-huh. Babañwi. . . Ukona kuba alimuñwi ya ka bulela cwalo. Na sa sabi, kakuli na tozizwe ki Mulena. Mi haiba nana ni zeli SA BULELA MULENA KISONA, ilukela kuba Linzwi la Mulena.

114 Na tile kwa Samaria, isiñi ku talima fa bukabali bwa bona, ku to bala palo ya likopano, ni buñata bwa lipalo ze ne ba nani.

115 Sina hane Ni bulezi busihu bobuñwi, ku bonahala kuba kuli, kacenu, keleke kaufela iyahilwe ku yona, nto fela mwahala mizwale kacenu, ba likeleke, kikuli, “lipalo, lipalo,” yo ulika kufita palo ya yomuñwi. “Lipalo!” Mulimu ha bali lipalo. U bala mukwa. Mukwa kona seo Mulimu abata, yomuñwi yo Akona kubeya mazoho, mutu ya ka yema nako yetelele.

116 Sina ha lubulezi kuli, “Buiketelo! Mwaha kaufela, lubile ni buiketelo bo *buñata hahulu*.” *Macwe* ani, “kuipulela.” Mi ki bunde mañi bwa licwe kusina muyahi wa lona ka Linzwi le li buhali la Mulimu, ku mu shabaka mwa kuba mwana Mulimu, kamba mwana wa musizana wa Mulimu, ni ku mubeya mwa Keleke ko afumaneha? Kupikulusa macwe hamoho hakuna kuyaha muyaho. Lu swanela ku a sebulula ni ku a basa ka mwa swanela.

117 Lutokwa batu kacenu, baana ba ba tozizwe, sina Amosi mwa na bezi, ya na ka pazaula lifasi ku musali yani ni ku mueza kuba mwana musizana wa Mulimu, a pazaula lifasi ku muuna yani. Hakuna taba kuli ki basepahali be ne ba mu lelekezi kwande, kamba sika kaufela, u ka yema ku se sili SA BULELA MULENA KISONA. Eeni.

118 Ne lu si ke lwa amuhela Amosi, Hani sepi, sina cwana. Ki sikamañi se munahana kuli Amosi na ka eza ha na ka kena mwa keleke ya Pentekota ya kacenu, ye ipapata ku etelelwa ka Moya o Kenile, ni kubona yona taba yeswana yani mwa keleke ya Pentekota ye ipapata ku etelelwa ka Moya o Kenile? Ha ni zibi. Cwale, lwakona kuambola ka ba Baptist, ni ba Methodist, ni ba Lutheran, kono, ha si taha kwa sikwalo sa luna se si masila, konakuli ku cwani he ka seo? Kuba kwahule ni Linzwi la Mulimu! Sesiñwi sa fosahala, kokuñwi. Yeo luli ki niti. Eehe. Ba taha ku to eza lika ze kaufela ze shutana, mi baipapata kuli ba etelezwi ka Moya, kubinela mwa Moya, fokuñwi mane nihaiba kubulela ka malimi.

119 Ni lumela mwa kubulela ka malimi. Ni lumela mwa kubinela mwa Moya. Ni lumela mwa kuhuwa. Kono kuna ni zeñata ze zamaelela ni zeo. Yeo ki niti. U eza lika zeo kaufela, ni kulatula Linzwi, konakuli kuna ni se si fosahalile kokuñwi, kuna ni moya

o fosahalile. Uh-huh. Mulimu ha zamaisi sicaba sa Hae kwa lika ze cwalo, nihakuli cwalo. Batili. Ha ezi cwalo.

<sup>120</sup> Ni sepa ki nako cwale kuli mukiti omuñwi ukalise, mukiti omuñwi obizwa kuli Boston Tea Party, sina ha lukona kubulela. Keleke i tokwa ali muliñwi. I tokwa fela kutanyelwa ko kuswanela.

<sup>121</sup> Fani, Joan wa Arc, mwa mazazi afelile, keleke ya Katolika ne i sa zibi kuli nali mulumeli ha na pila, kakuli na bona lipono, na kona kutoloka litolo, musali ya tezi Moya. Mi Mulimu aitusisa kalibe yomunyinyani yani. Mi ba hupula kuli nali muloi. Mi ba mu ciseza fa musumo, kuli ki muloi. Mwa ziba cwalo. Baprisita ba Katolika ne ba ezize cwalo bona kasibili. Myaha ye mianda anda ya fita, mi ba fumana kuli nali mulumeli. Mi, ha ne ba ka mu beya kuba mulumeli ha sa shwile, ne ba na ni kuipa mulatu. Kacwalo ba kata mubili wa baprisita bani ni ku ba nepela mwa nuka, kuipa mulatu. Mwa bona, ne li fitile fela mi ba palelwa ku li bona. Ne se ba ezize bukaufi fela nto yeswana ni Muhalalehi Patrick ni babañwi ba bona kaufela.

<sup>122</sup> Ki kabakaleo Jesu naize, “Mu kabisa ka busweu mabita a bapolofita, kono ki mina mu ba beile mwateni.” Yeo ki niti. Se lu tokwa kacenu ki Amosi ya ka kutisa Linzwi la Mulena ku luna. Kaniti kucwalo.

<sup>123</sup> Cwale, buipuleli bwa luna ni lika zeñwi ha li talusi sika kwanda kuli Moya wa Mulimu utahе ku luna mi akute ayemele buipuleli bwa luna. Haiba bupilo bwa luna ha bu zamaeleli ni buipuleli bwa luna, konakuli kuna ni se si fosahalile.

<sup>124</sup> Joan wa Arc na etelezi France kwa tukuluho ya zwelopili. Ne ba i tokwa tukuluho. Ona cwalo kona mo ne ba ezelize. Ne ba tokwa tukuluho ye mata, mi musali a i zamaisa. Kono kasumulaho wa kushimbuluka, fo ne ku ezizwe mafosisa, ne ba tokwa se si ka lwanisa muzamao wani kuli u lukise—u lukise se ne ba lwanisa.

<sup>125</sup> Ni bulela kuli keleke ya Pentekota kona nto ye fa kaufi hahulu ye Ni ziba kwa Bibeles kacenu. Kambe ne kusi cwalo, Ne ni kaba ku yeñwi. Yani ki niti. Ne ni si ke na yema fa inge ni sinya nako yaka, kubulela kwa sicaba sa Mapentekota, kambe Ne ni si ka nahana kuli kuna ni sepo. Kiniti. Pentekota ki ya niti. Kono ha lu tokwa Pentekota kuba hamoho ni lizo za luna li tamuluzwi, kona kuli lu tokwa cincheo ye shutani kwateni. Lu tokwa cincheo yelwanisa itahe; Ni nani. . . isiñi kuipapata fela kwa Pentekota, kono kutaha ko ku kenile kwa Pentekota.

<sup>126</sup> Mulimu u kenile. Baba pila ka Yena ba swanela kupila ka kukena. Yena ki Mulimu ya kenile. Bibeles ibulezi kuli, “Kusina kukena, hakuna mutu ya ka bona Mulena.” Yeo ki niti. Bupilo bwa Hae bu kenile. Mi haiba Bupilo bwa Hae bu ku wena, bu ka ku kenisa. Kusina cwalo, hauna kubona Mulena. Mi utalime ko a yambaelela.

127 Luna lu nto yeswana sina Isilaele mwa na bezi mwa mazazi ani, mane. Isilaele na hupula kuli, kakuli ne ba fumile, lika kaufela ne li zamaya ka bunde. Nebana ni silikani, mwa mazazi a bona, ni mileneñi yemiñwi. Mi ne ba na ni swalisano kaufela. Muuso no na ni silikani ni bakutazi kaufela, ni baprisita, ni bapolofita. Mi ba hupula kuli zeo li lukile. Mi ba nahana kuli zani ne li tabisa fela Mulena. Kono ne ba na ni mutangana yomunyinyani yana nanuhile ni ku ba kutisa hape. Yeo ki niti.

128 Bakeñisa fela kuli ne ba fuma, fani kona fo lu ezezanga mafosisa. Bufumu ha ki sisupo sa mbuyoti ya moya. Yeo ki niti. Hakuna nihaiba siemba sa zona. Bufumu, fokuñwi, kona se si tibela.

129 Mwa hupula sa na bulezi Mulena ka Isilaele? “Ha no li mwanana, ha no sina sika, ha no sa lobezi mwa mali a hao mwa simu, kusina wa ku ku kenisa, Na ikungela wena kuna. Mi wa Ni sebeleza. Kono ha u se uhulile kufitela uhupula kuli no iketile mi ya sa tokwi tuso ya mutu, wa Ni toboha.” Ba ezize cwalo kamita.

130 Uzia, sina hane Ni bulezi kwa mukushuko wa Baana ba Pisinisi kakusasana omuñwi, nali muuna yomutuna. Na swalelezi ku Mulena. Kono zazi leliñwi kasamulaho Mulimu amu tiisa. . . Mi nali mutala o mutuna ku Isaya mupolofita. Kono kasamulaho a mano ba ya tiile, ni kununa, linaha za kala ku mu saba. A yaha makwakwa a hae ni kukala kuba ya inuneka. A ikutwa kuba ya sabisa. Kakuli na talima mwa na iponela butuna. Mi cwale alika kunga sibaka sa mukutazi. Mulimu a mu nata ka mbingwa, mi a shwa ali wa mbingwa. Mwabona? Ha lu tokwi ku inunekanga, mwa lipilu zaluna.

131 Mi fokuñwi, ha lu bona likopano zaluna lifuma, lu kala kubulela kuli, “Lu sikwata se si tuna. Luna lu sikwata sesituna sa Pentekota ku ze liteni. Luna ni babañata kufita babañwi ba bona.” Kamba, “Haukoni kuya kwa Lihalimu konji haiba u wa sikwata sa luna,” kamba nto yeñwi. Ha u kaba ka nzila yeo, u kauhani kwa Linzwi la Mulena. Kiniti. Muhupule, kubo ki yetuna mane yakona kufita ku muzwale wa hao. Yeo luli ki niti. Mu mu kenye mwateni.

132 Oh, mo lu tokwela, kacenu, pizo ya kukutela kwa Linzwi la Mulena. Mutalime, kacenu. Mi naha ya luna itokwa pizo ya kukuta.

133 Ni ka bulela, leliñwi la masihu aa, haiba Ni kona, Ni bata. . . Nina ni kufa mulatu. Ni lukela kulibelela kufitela Ni ka kopanya bakutazi kaufela hamoho. Eehe. Ni bata kufa mulatu lusika lo ka Mali a Jesu Krete, ni ku mi bonisa zona. Mwabona? Cwale, Na kona kuba, ni ye kokuñwi kuli ni eze cwalo. Kono luna, lu ka bona haiba lwa kona kuba ni mukushuko kakusasana omuñwi, wa bakutazi feela. Mi Ni—Ni bata kuli, Mulena ani tuse, kuli ni bonise ko lu—ko lu libile, ka nzila ye fosahalile. Lu lu kela kukuta. Hakuna mukwa u sili kwanda ku kuta kihona. Luli.

<sup>134</sup> Mutalime naha yaluna kacenu. Mutalime se lu lika kueza, yona taba luli ye ne ezahalile mwa lusika lwa lififi, kukopanya keleke ni naha hamoho.

<sup>135</sup> Mutalime fa tamahano, tamahano, kamba ba—ba Katengo ka Likeleke za Lifasi. Likeleke kaufela likena mwa Katengo ka Likeleke za Lifasi, mi ba nahana kuli bo kona buñwi ya Mulimu. Kakuli, likeleke kaufela, ba United Brethren, baana ba likeleke za milao, ba ya mwa kopano iliñwi yetuna ye. Zeo ki bakeñisa kutokwa kuziba Linzwi la Mulimu. Mupolofita na bulezi kuli lika zani lika ezahala, “Ne ba ka ezeza sibatana siswaniso, mi ne sikaba ni mata a kubulela.”

<sup>136</sup> Oh, kana munahana kuli Amosi wakona kuyema fa katala busihu boo fa, haiba na kaba mwa Phoenix, kikuli u ka palelwa kunyaza taba yeo? Haikoni kuba kuli na ka lu lwanisa, mizwale, kono na ka lwanisa mulao o sweli ku luisa kwahule ni Linzwi. Seo ne si ka ba sa na ka eza. “Kana batu bani bakona cwani kutaha hamoho?” Bibebe ibulezi fa kuli, mwahali mo, Amosi. Mulena ali, “Bulelela sicaba kuli, ‘Bababeli bakona cwani ku zamaya hamoho, kusina ku lumelelana?’”

<sup>137</sup> Cwale, lu ka nga cwani likwata za luna za Pentekota ni kukena mwa Katengo ka Likeleke za Lifasi, kanti licika la bona mwahali mwani, kufitelela licika, eite-faifi kamba nainte-faifi pesenti, mane ba latula kupepwa kwa bwalanjo? Ba latula. Na sepa, nainte naini pesenti ya bona ba latula, ba latula foliso ya Bumulumu. Ba latula milao ya Bibebe. Ba latula kubulela ka malimi. Ki sikwata fela sa Mapentekota kona se si lumela zeo. Mi lu ka tamahana cwani ni bona mwa buñwi? Lu ka ba cwani buñwi ni bona? Kana lu ka zamaya cwani ni bona kusina ku lumelelana ni bona? Mu ka eza cwani zeo? Mu lukela kulatula tumelo yetuna ya bulumiwa ye muna ni, milao ya Bibebe ye namile hande, ku zamaya ni yona.

<sup>138</sup> Na mi bulelela, Mulimu u biza mutu anosi. Usweli wa ku biza, kakuba mutu unosi, kuli upile ni Linzwi la Hae ni kupila ni Yena.

<sup>139</sup> Kana Mulimu na ka zamaya cwani ni bona, kanti lituto za litumelo za bona, li lukisizwe ka butali bwa lifasi, kulatula Linzwi la Hae? Mi tuto ya tumelo ha i amuhela tuto ya sikwata sa batu, hamoho, ni kulatula Linzwi kakuba cwalo, konakuli mu zuse Mulimu ku mina. Mulimu u kenile. Mi Mulimu, Bibebe i bulelela kuli, U tokomela Linzwi la Hae, ku Li petahalisa. Mi kana Ukona cwani kupaka Linzwi, kanti Linzwi haliyo mwatani? Ki kabakaleo haluna ni ma membala mwa sibaka sa bana. Foo he, luna ni lituto za litumelo. Mi mañi ni mañi wa kona . . .

<sup>140</sup> Lifasi li bata mutu ya ipitezi. Ba belekela . . . Ba bata sika se si kona ku ba lumeleza ba kumalela kuipulela kuba Bakreste mi ni kupila ka nzila ye ba bata kupila kaufela. Basali ba bata kueza sina Hollywood mi ba sa buluka kuli bana ni Moya o Kenile.

Bakutazi ba bata kuyaha keleke yetuna ni kueza lika ze kaufela, ni kuba ni madikoni ba ba se ba nyezi linako zeñata. Mi—mi bakona kueza lika zenyinyani ze ni kutina liapalo ze, ba li biza kuli ki tukuluho wa basali.

<sup>141</sup> Mu nahana kuli Amosi na ka yemela zeo akuzize? Batili. Kaniti na si ke kueza cwalo. Mu nahana kuli Amosi na ka yema akuzize, ni ku kopana ni lituto ni ma mbishopu kwani, ni kubulela kuli, “Mizwale, Ni sepa mu ezize nto yetuna.”

<sup>142</sup> Na ka bulela kuli, “Mina sikwata sa bakwenuheli! Mina bakwenuheli! Mina bahanyezi ba Tumelo!” Na ka bulela nto yeswana yana bulezi Mikaya, zazi lani fapila bapolofita ba ba mianda yemine ba ba ipapata ku ba Maheberu.

<sup>143</sup> Se bali, “Mwa palo yetuna, mwa buñata, mi kuna ni masabelo.” Kuitingile ko u bata kubeya Liñolo leo.

<sup>144</sup> Na kona kubulela kuli, “Judasi nailo itamelela ili yena; mi u yo eza lika zeswana.” Ha li zamaeleli fela.

<sup>145</sup> Mi ha li zamaeleli, kuli, “Ha ku na ni baelezi ba bañata sicaba sa piliswa.” Keleke ya Katolika ina ni zona ku mina kaufela kanti.

<sup>146</sup> Mwa Linzwi la Mulimu kuna ni buiketo. Bibeke ibulezi kuli, “Libizo la Mulena ki tawala yetiile. Ya lukile u sabela teñi mi uba ni buiketo.” Mi sani kona sibaka fela sinosi sa mukunda se Ni ziba. Bapolofita kamita ne ba lumela cwalo. Fani Abrahamama hana shwile, fani. . . Fani Jobo hana shwile, na tilo ipeya mwa naha ya sepiso, libita la hae.

<sup>147</sup> Fani Abrahamama hana shwile, na lekile mubu kwa sibaka se si swana, bukaufi ni Jobo. Ki sikamañi sa na ezize? Na boni mupolofita yani. Na ziba kuli yani neli muuna wa Mulimu, mi ki hali, “Na ziba Muliululi waka wa pila, mi ka lizazi la mafelelezo U ka yema mwa lifasi. Ni ha likokwani za mubili li ka sinyu mubili woo, kono ona mwa mubili waka mo ki mo Ni ka bona Mulimu.” Eehe. Mi Abrahamama na ziba cwalo. Na pumbekile Sarah mwani. Na lekile mubu mwa mushitu wani, ni kupumbeka. . . Yena, kasibili, na pumbekilwe mwateni.

<sup>148</sup> Isaka, ha na shwile, a kutiswa kwa mulaho ni ku pumbekelwa kwani. Isaka a pepa Jakobo.

<sup>149</sup> Mi Jakobo a shwela mwa Egepita. Kono a si ka shwa kale, abiza mwana hae wa mupolofita, Josefa. Mi na ziba kuli nali mupolofita, mutu wa moya, ya toloka litolo, mi na bona lipono, ne li ze petehile ka nako kaufela. Ki hali, “Taha kwanu, Josefa, mwana ka wa mushimani mupolofita tuwe. Beya lizoho la hao fa noka ye ye fo Mulimu yamata kaufela na ni sweli myaha yeñata kwa mulaho, ni kucinca libizo la ka kuzwa kwa ‘kuluku’ kuba ‘nabi ni Mulimu.’ Aku beye mazoho a hao kulo fa mi ukonke ka Mulimu kuli hauna ku ni pumbekela mo mwa Egepita.” Kiñi? Kiñi? Ki shutano mañi ye ne si ezize?

150 Zeo kona ze ba bulela kacenu, “Ki shutano mañi ye si eza?” Lu nga sikwata sa batu, ku ba kenya mwa keleke, ni mwa mikwakwa. Mina fokuñwi mu ka mueza kuba mwana wa lihele habeli kufita ha na fumanehanga fa mukwakwa. Yeo ki niti. Kuna ni shutano.

151 Josefa, ha shwa, abulela, ali, “Zazi leliñwi Mulena Mulimu uka mi potela.” Nali mupolofita. Mi ali, “Mulena Mulimu uka mi potela. Mi musike mwa siya masapo aka kwanu, kono mu a ise mwa naha ya se piso.” Kiñi? Na ziba kuli mutamu wa pili wa zuho uka taha kuzwa mwa naha ya se piso. Yeo ki niti.

152 Jesu, ha Na shwile, ni kuzuha ka la Zuho kakusasana, Bibebe ibulezi, kuli, “Buñata bwa baba kenile ba ba ne ba lobezi mwa liluli ba zuha, mi ba zwa mwa mabita ni ku bonahala ku babañata.” Neli mañi yani? Abrahamama, Isaka, Jakobo, Josefa. Kiñi? Ne ba li mwa sibaka se si swanela.

153 Kona ha Ni bulela kuli kuna ni shutano. Mu si ke mwa ni pumbekela kwanu mwa Methodist yeñwi, Baptist, kamba keleke yeñwi feela. Mu ni pumbekele ku Jesu, “Kakuli babali ku Kreste Mulimu uka ba zusa hamoho ni Yena nako Ya taha.” Mi kuna ni shutano. Kiniti, shutano iteñi.

U sike wa lumeleza mutu ku ku bulelela kuli, “Kakuli u ikopanya kwa keleke.”

154 Amosi nasike kuyemela ze cwalo inza kuzize. Na ka bulela kuli, “Yena Mulimu yaswana yo mubulela kuli mwa sebeleza. . .”

155 Ni ka bulela cwalo ka Libizo la Mulena: Yena Mulimu ya swana yo naha ye ilukela ku yemela uka sinyo naha ye. Uka sinyo likeleke ze. Mulimu wa Lihalimu uka luma buhali bwa Hae mwa katulo ni ku sinyo likeleke zee, ze ipiza cwalo. Muhupule, munge manzwi aka.

156 Hakuna mutu ya kona ku ikopanya kwa Keleke. Mu ikopanya kwa ndu ya kulobala. Ha mu ikopanyi kwa Keleke. Mu pepwa mwa Keleke. Mwabona? Mu ikopanya mwa malobalo a Methodist, malobalo a Baptist, malobalo a Katolika, malobalo aba Pentekota. Kono mu pepezwi mwa Keleke ya Mulimu yapila; mi yeo kona Ya tahela mwa kuzwa fa, yona Keleke yani. Kacwalo, luna ni malobalo, isiñi Likeleke. Sika kaufela sa kona ku kopanela mwa sibaka sa kulobala sani, baipi ni lika zeñwi kaufela. Kono Ni ka mi zibisa se cwale, kuya ka Linzwi, hakuna muipi ni yomukana mwa Keleke ya Mulimu yapila. Hakuna sika Mwatani konji balumeli.

157 Cwale, bumembala bwakona ku ku beya mwahali. Mi u nahana—u nahana kuli Amosi na si ke a omanyano zeo? Na ka nyunga nto yeo kufita ni kwa mutomo wayona. Kaniti na ka eza cwalo.

158 Mutalime. Isilaele hanali mwa musipili wa hae, kuzwa mwa naha ya sepiso, a zamaiswa ka Moya o Kenile, Siita sa Mulilo ne si li fapila bona, Licwe le li natilwe ne li ba taha mwa mulaho.

159 Mi kwa taha Moabi, yanali muzwale wa muhabo. Muhupule, nali siemba sa Isilaele, ni yena. Na li siemba, sina kuzwa kwa lusika lwa Sijuda lwani, kakuli ne li mwana Lota ka mwana hae wa musizana. Ne li tisize Moabi.

160 Mi mutalime ku Balami, yena muprisita, ataha kwani mi aeza aletare, a taleka litabelo zeswana, ka kuba fela ba milao mwa na ka bela fela. Mwabona? Mi nana ni baba tabisa ni yena. Nana ni mulena. Nana ni baana ba batuna kaufela, malena ni manjululume, bene ba yemi ni yena.

161 Kono nekuna ni Alimuñwi yana yemi ni Mushe yo na si ka bona. Yani ki Yena yana yemi ni Amosi. Yani ki Yena ya ka yema ni mutu kaufela yaliteni mo, busihu boo, ya ka yemela Mulimu ni kuluka. Hakuna taba kamba ku na ni baika babakai mwani, seo hasina neba nto iliñwi ya kueza ka sona. Habana ku kona ku kuta sa fuyozi Mulimu. Kiñi? Ki Peu yepila. Ki Linzwi la Mulimu. Li ka hula kwa kupetahala kwa Lona. Oh, lisupo za Mulimu yapila mwa mafulo! Zeo, ne li bonahala kuli Isilaele na fosize kulo kwani. Kono ba palelwa kubona Licwe le li natilwe lani, ni Swalelo yani ilukisezwa ma Isilaele. Mi ne kuna ni muhuwo wa Mulena mwa mafulo. Mulimu nali ni bona. Kiñi? Na folisa bakuli, ni kueza limakazo zetuna, ni lisupo ni ze komokisa, ni Siita sa Mulilo ne si lepelela fahalimwa bona. Mushe na latelela Siita sa Mulilo. Bana ba Isilaele ne ba latelela Mushe. Mi nebali mwa musipili wa bona kuliba kwa naha ya sepiso, mi hakuna se si ka ba paleliswa. Amen.

162 Oh, kikuli haikoni kuba nto yebunolo ye kutezwi kacenu, haiba Mulimu akona kunga mutu mwa lizoho la Hae, mwa zamaiso ya Hae? Siita sa Mulilo sani si sa pila. Usali ya swana maabani, kacenu, ni kuyakuile. Linzwi li sa pila.

163 Mulimu, alu lumele Amosi ya ka...ya ka yemela Niti ni kuluka, a nyanganyise lika ze.

164 Mu li, “Kana lwa kona...Ki linepo za mufuta mañi ze munahana kuli na kaba ni zona?”

165 Kihande, na kaba ni linepo, kufitela abiza bani kaufela bao Mulimu na zibile kale ni ku biza. Yani ki yena ya na ka nga. “Kaufela ba Ni file Ndate ba ka taha.” Eeni.

166 Mikaya nali fapila Akabe, mi Akabe na mutoile. Sikwata sa bakutazi kaufela ne si mu lwanisa. Mi kaufela bona ne ba susumelizwe, ni bona, kono susumezo ya bona ne isika zamaelela ni Linzwi. Na sepa, mwendi, Amosi na fitile fa mayemo a swana.

167 Baprista hane ba zamaya mwa mukwakwa, bali, “Cwale, mulibelele fa muzuzu. Koo—koo...Aku ni bonise mapampili a

hao. Ki sikolo mañi ko u zwelezi? Ki lusika mañi ko uzwile? Kana u . . . Ki mañi ya ku ezize muprisita?”

Na kali, “Mulimu uni ezize ya cwalo.”

“U zwa kwa sikolo mañi?”

<sup>168</sup> “Jehova Mulimu. Nina ni zeli SA BULELA MULENA KISONA.” Ba ka mu teezeza nji? Batili kutokwa. Ne ba sa lati kuutwa mushimani yani. Batili kutokwa. Ne ba sa lati . . .

<sup>169</sup> Mi, ibo, baana bani hakulata ne ba bulela kuli, “Ni susumelizwe. Kihande, Ni wa siemba sa keleke yetuna ya Bafariszi kwanu. Mutalime Mulimu mwa lu fuyolezi. Lu beile tomile ma aletare mwateni. Lu yahile litempele mwateni. Lu ezize lika ze kaufela. Mi, oh, nubu yaluna ya bulumiwa ki yetuna kufita likeleke zeñwi kaufela mwahala Judea kaufela. Kihande, lu eza lika ze kaufela *kwanu*. Sicaba sa hesu si lifanga za bulishumi hahulu, ni zeo kaufela.” Kono niteñi Mikaya kamba . . .

<sup>170</sup> Amosi a yema fani mi ali, “Yena Mulimu yo mu ipapata ku sebeleza uka mi yundisa.” Mi kwa ezahala ona cwalo.

<sup>171</sup> Cwale, ha Ni nyazi litukiso za kuhasanya linzwi. Ha ni nyazi likeleke zetuna. Kono, butata bwateni ki kuli, sicaba sitalimisa meto a sona ku zani, mi ni kuzwa kwa . . . Linzwi. Mi, mafelelezo, li misa kwahule ni taba yaluli, mi u ipumana unze u tantalikela kusili. Mukutele kwa Linzwi. Musike mwa saba ku Lona. Oh, mo lu tokwela muhuwo, kuzwa mwa lihalaupa kacenu. Kaniti ki niti cwale. Kaniti.

<sup>172</sup> Mabaka amañwi, batu ba kakanyanga. Ba lata ku kakanyanga. Yeo kona nto yapili ye ne . . . Yeo kona ye ne latehisize kopano ya lusika lwa batu, ki fani Satani ha na zibahalize mulelo wa kukakanya ku lwanisana ni Linzwi kuba cwalo. Mi li utwahala hande luli.

<sup>173</sup> Halungeni fela Satani, sa na ka bulela ku Eva, fani Mulimu ha na ba silelelize ka lukwakwa lwa Linzwi la Hae.

<sup>174</sup> Yeo kona nto inosi fela Mulimu akile afa sicaba sa Hae ku ba sileleza kwa sila, neli Linzwi. Na si ka lufa tuto ya tumelo. Na si ka lufa sika kwanda Linzwi la Hae. Ku felile. Mi Mulimu hana fa felela, ki ya mata kaufela, ya sa cinci. Hakoni ku cincia. Tukiso ya hae yapili ki ye petehile. Ha lukeli ku i cincia.

<sup>175</sup> Keto ya hae ya pili, nako yani mutu hana ezize sibi ni kusila mwandala omutuna wani mwahala hae ni Mulimu, asiyala asina nzila ya ku kuta ka yona, Mulimu, yatezi sishemo ni muhau, a amuhela sa kuyolisa. Ki Mulimu fela ya tezi sishemo mi muhau ki yena ya kona kueza nto ye cwalo. Na amuhezi sa kuyolisa, mi sa kuyolisa neli mali. Sani kona fela sibaka ko mutu akona kutaha mwa kopano ni Mulimu hape, ki mwatasa mali a suluhile. Mi ha ku si kaba kale nahaiba nako fo mutu akile a kopana ni Mulimu, konji fela ka mali. Mi ki niti luli, ko a kopanela ni Mulimu.



<sup>176</sup> Cwale, Eva na wiselize miambeso fafasi. Eva akala ku nahanisisa. Satani na bulezi sina cwana, “Cwale, wena u... Ha u zibi. Ha u si ka ba kale ni sikolo. Ni muituti wa za bulapeli yaliteni kwanu.” Yena luli. “Mi, Na mi bulelela, lu itutile lika zeñwi kwande kwani. Lu itutile kuli Mulimu ki yomunde hahulu! Lu itutile mwa sikolo sa luna kuli Mulimu ki yomunde luli! Ha kulubeli kuli ueze kaufela za Na ñozi mwani. Ha libeleli zeo.”

“Eehe, kono,” musali ali, “ki Mulena Mulimu ubulezi.”

<sup>177</sup> Cwale, na ka eza mukutazi yomunde, kambe na ka ina ku Sani. Ki kabakaleo hana nyazizwe kuba alimuñwi kacenu. Mwabona? Ku mu leleka ku zona. Kana Amosi na ka bulela sikamañi ka sona? Ni lakaza kuli kambe Ne ni ka mu utwa ka mizuzu yeketalizoho, ni ku rekoda liñusa la hae. Ne ni ka ibeya fa tepu, kipeto lifasi kaufela li i utwe. Uh-huh. Mi Na kona kukuza ka zona, kuzwa fani kuya kwapili. Mulemuhe. Eeni, sha, na ka li nyaza.

<sup>178</sup> Mi mulemuhe sa na bulezi. Cwale, Satani ali . . . Cwale, na si ka eza cwalo ni Eva, mwa ziba . . .

<sup>179</sup> Na si ka eza cwalo ni Adama, kono na ezize ni Eva. Kacwalo ali ku Eva, cwale, “Cwale wa ziba se.” Ki hali, “Wa ziba, kaniti Mulimu ki yomunde hahulu kuli a mi cise. Mulimu . . . Kaniti hamuna kushwa. Wa ziba kuli Ki Mulimu yomunde.”

<sup>180</sup> Lu utwa hahulu zeñata za zeo kacenu. Yena ki Mulimu yomunde. Kono, fa kuli abe yomunde, Una ni kuba ya lukile, hape. Kona se si Mu eza kuba yomunde. Ha ki ya zina-zina ni ku sa ziba sa kueza. Ki Mulimu.

<sup>181</sup> Mi cwale, “Mulimu ki yomunde hahulu ka kueza cwalo ku wena.” Mi akala, ali, “Kiñi, u kaba ya butali. Mu kaba ni tuto. Mu kaba ba ba butali ni baba talifile. Muka—muka ziba lika ze mu sa zibi cwale.” Mwabona?

<sup>182</sup> Nana ni kuziba fela nto iliñwi, lani neli Linzwi. Ha lu lukeli kuba ni Bachelor ya Art, mi ni Ph.D., ni LL.D., ni lika zeñwi ze kaufela. Ziba fela Linzwi la Mulimu. Mwana ya bunolo, ya kona kubala, wa kona kuziba, ku ziba.

<sup>183</sup> Kono, libaka, mi ki sikamañi se ne ba amuhezi? Ki sikamañi sene ba ngile? Ona fani ba ikaba. Mi Satani a ziba kuli a koma lusika lwa batu ona fani. Mi fani kona fa na ba komezi kuzwa ka nako ona yani.

<sup>184</sup> Kona libaka Amosi ha na tile. Kakuli, kabubo ni mihupulo ye zibahala, ni bunde, mueteleli yomutuna wa naha kamba mulena, ya na tisize sifumu. Sicaba si ka lekisa bupilo bwa sona bakeñisa manawa, sina Esau. Ha ni liki ku utwisa bumaswe, kono Ni lika kueza niti.

<sup>185</sup> Mina ba Tukuluho mu lekisize litukelo za kupepwa kwa mina ha ki kale hahulu. Yeo ki niti. Mi ha Ni wa Licaba. Ni

Mukreste. Kono, muzwale, ha ki maswabisa ni ao! Mi ne bana ni mushini o kopamisa lipalo ka kubona kuona. Kono sani kona sa na bata America. Bana ni sona. Yena kamita u mifanga se mubata.

<sup>186</sup> Mulimu, ni fe Linzwi la Hao. Sani kona se Ni bata. “Tuhela ni pate Linzwi la Hao mwa pilu yaka, Mulena, kuli Ni si ke na Ku foseza.”

<sup>187</sup> Oh, babañwi ba nahaniseza. Kono, mwabona, Amosi na si ke a nahaniseza, kakuli na li mupolofita. Linzwi ne li tile ku yena. Batili.

<sup>188</sup> Kuswana sina Linzwi kacenu, mu lukela ku Li toloka, mutuhele kuli Moya o Kenile u Li toloke ka ku Li paka mwa bupilo bwa mina.

<sup>189</sup> Seo kona sene si bulezwi, sikamañi, mwa ziba, Jeremia naize ku—ku mupolofita Hanania. Na ize, “Mupolofita yani ha bulela, mi sa bulela si bonahala, kipeto bapolofita ne ba ziba kuli na bulela niti.”

<sup>190</sup> Kambe Amosi na kaba fa, mu nahana kuli na ka eza sikamañi? Na ka—na ka ina ni Linzwi. Kona sa na ka eza. Kikuli mwa ziba? Na ka lu bulelela kuli lu lutilwe lisili zesina mutomo wa makalelo a Linzwi la Mulimu. Na ka lu bulelela kuli lu kwahule hahulu kuzwa kwa Keleke yapili ya pentekota. Kona sa na lu bulelela luna Mapentekota. Ali, “Cwale, ne ba nani myaha yemashumi aketalizoho kuli ube mwa muzamao wo, mi ha u si ka fita kale fateni.” Oh, ki sikamañi sa na ka bulela kwa butu bwa za likopano? Kihande, oh, haiba na ka fa sani, haiba na si ke a omanyana likeleke ze, ka butanya bwa zona, ka kuamuhela lituto za litumelo, ku ikopanya kwa keleke mwa sibaka sa kupepwa ku yona!

<sup>191</sup> Kihande, haiba u pepezwi ku yona, muzwale, kezeli, u ka eza ka kushutana. U—u pila ni Linzwi. Haiba Moya o Kenile uteni ku wena, U fepa fela fa Linzwi. Jesu naize, “Mutu hana kupila ka buhobe fela, kono ka Linzwi kaufela,” isiñi siemba sa Linzwi, “kono Linzwi kaufela le li zwelela mwa mulomo wa Mulimu.”

<sup>192</sup> Yena, kakuba mupolofita, na ka bona taba ye ku luna. Kaza . . . Amosi nali mupolofita.

<sup>193</sup> Cwale Ni ka kwala, fa muzuzu fela, kono Ni bata kuli manzwi ao a lamatele hande haiba Ni kona. Ni ka bulela cwana, mi haiba Moya o Kenile una ni ku a lamatelisa. Ni bata ku mi buza nto yeñwi.

<sup>194</sup> Kambe Amosi na ka taha kwanu busihu bo ni kuyema fa katala fa, haiba na ka zamaya mwa mikwakwa kwa ni kwa mwa mikwakwa ya Phoenix, na ka bona kuluna kacenu, mwa mukwa wa muezozo waluna wa naha, mwa lifasi lalula la keleke, na ka bona lika luli za na boni mwa Samaria: ka kutala kwa butanya, kwahule ni Linzwi la Mulimu. Na ka bona sikwata sa bulapeli

luli. Nebali cwalo, mañi ni mañi wabona, Maisilaele. Kono na ka bona bu—bu butanya, ku sa ipuluka. Na ka bona—na ka bona kubola kwa mukwa wa linyawe ni butanya mwahala sicaba. Na ka bona kubola kwa butanya mwahala bona, fa naha. Na ka bona kublla kwa linyawe kwahule ni Linzwi. Na ka bona boozwa mwa keleke. Ha ni talusi. . . Ehe, bubeli; ka butu, mi na ka bona boozwa bwa moya. Mo ne ba kangela lituto za litumelo za batu kwande kwani, sina lituto za ipangezi mutu, ni ku li amuhela mwa sibaka sa Linzwi, koo ki kueza buhule kulwanisa Mulimu. Sinulo 17 ibulela cwalo, kuli bona, lihule le, ne li ezize sibi, kakuli, “Ka bumaswe bwa hae musali na ezize kuli lifasi linwe kwa veine ya buhali bwa hae.” Eeni. Lubona kuli ne li kaba ze shutani kaufela. Na ka libona, kubona kwa butanya.

<sup>195</sup> Amosi na si ka nyaza muuso, mane. Muteezeze. Amosi na si ka nyaza muuso, mwa Mañolo a hae kaufela. Kono na nyazize sicaba ka kuketa mubuso o cwalo. Oh, Na kona. . .

<sup>196</sup> Kana mu katezi? [Kopano ili, “Batili.”—Mu.] Kihande, amu libelele fela fa muzuzu. Mwabona?

<sup>197</sup> Musike mwa nyaza muuso wa mina. Muuso haukoni kuyaha ndu fa licwe kuli batu ba botele mushabati. Sicaba si bata ona zeo.

<sup>198</sup> Mi linako zeñata Ni bulelanga lika fa katala, ha Ni ziba kuli mizwale baka bateni kwani, bakutazi, baana babande. Ni ambola ku bona, ni ba kenya mwa lilulu. Mi ki musebezi wa ka, ka kuziba lika ze, ku bulelela mizwale baka. Mi Ni ambola ku bona. Ba li, “Muzwale Branham, lu ziba kuli u bulela niti, kono keleke yaka yakona kuzwela fande ha i utwa zeo.” Mwabona? Mwabona? Ki se mubata. [Hakuna manzwi fa tepu—Mu.] Mwabona? Hamukoni. Ki sicaba.

<sup>199</sup> Cwale, haiba mu nahana kuli Ne ni ka kalisa muyaho kwanu mwa mukwakwa ni kulekisa, likalibe kacenu, mikwa ya kale yani, ye pahami luli, mihala ya makatulo? Bona bana ni mikata yemiñata kuyona kufita—kufita sintolo kaufela mo sibezi ni zona zetezi kacenu, sikatulo silisiñwi. Kono hane Ni ka ba lekisa ka ma senti a mashumi aketalizoho ka sikatulo, Ne ni ka shwa tala. Kiñi? Ha u balati.

<sup>200</sup> Haiba Ni ka lekisa ani a mufuta wa kale, likoci zebizwa Motehr Hubbard kwa basali kacenu, mu nahana kuli ne ba ka li leka? Batili kutokwa. Ba bata sika se ba kona ku ikapeleza inge ya suluhela mwateni, zani ze bonahala inge kakapi ka soseji. Ba—ba bata fela ku ba ni zekama hahulu. Inge ba zamaya mwa mukwakwa, mwendi ka ma kukama luli zangana hane kamba ha ketalizoho kulamatela, ku katelwa mwahali, ni kukatelwa fande, ni ku minyukiseza sinuko kwa mulaho ni makatulo amatelele, toho ya li ku nanungela kwapili. Zeo kikuli, Ha ni talusi zeo ka lisheha. Se ha ki sibaka sa kuezeza lisheha. Kono yeo ki niti. Hanina tuto yeñata. Kona fela ze Ni ziba mwa kuezeza linzwi

laka, mwa ziba, mwa ziba ze Ni ambola fateni. Mwabona? Cwale, ki niti. Ne ba si ke ba leka mandelesi ao.

<sup>201</sup> Busihu bobuñwi fa katala, musali nyana wa mu Indian ataha kwani. Ne ni bata ku mu swala mwa lizoho. Kwani kwa keleke ya Muzwale Groomer, kamba neli kai kaufela. Nana ni ndelesi yeswana sina ye ne ba tinanga boma. Na hupula kuli, “Kihande, pilu ya hao i fuyolwe, kalibe.” Mi Mulena a mu folisa ona fani, mane a si ka fita ku na. Yena . . . Mwabona? Na hupula kuli, “Ni—Ni—Ni ikuzeze feela.” Mwabona? “Libelela feela kufitela nako itaha, linako zeñwi.” Mwabona? Mi ki sani fani.

<sup>202</sup> Kihande, hamukoni kulekisa mandelesi ani. Mwendi mwakona ku alekisa ku mu Indian, mi ha ki amañata a ona. Ni bona fela se ba kala kuba baba itbezi sina babañwi ba bona. Mu na ni litukiso zeñata hahulu fa mazimumwangala. Mi bana ba mina baba fande, ni babañwi ba baluti babanca, ba likolo za makuwa ba, baba taha mwateni, ni bukuba bobuñwi bo kaufela. Kihande ha ne mukaba kwa mulaho sina ba Sitting Bull ni babañwi mo ne ba belanga kwani, kalinako za kale zani.

<sup>203</sup> Mwa Africa, hane lu na ni lusika lwa batu ba bansu kwani, ki sikamañi se ba eza? Kuya kwani, bakutazi bani, ki kubala, kuñola, ni lipalo. Mi yena . . . Kiñi, bona, ba ziba hahulu za ku ikuteka, mwa masika a bona, kufita mo ne mu ka ezeza, Bukreste mo ne bu ka kutisa kubona. Yeo ki niti. Haiba ufi wa basali bani kwani, haiba ki wa mushobo wa ma Zulu, haiba a libelela siyemo sesiñwi kuli anyalwe, mi ha si ka nyalwa, hakuna ya mu ngile kuba musala hae, una ni kututa. Fohe ha sa li mutu wa lubasi lwa habo. Batili, sha. Mi ha sa nyezwi, u ka tatubiwa kwa bwalanjo bwa hae. Mi haiba una ni mulatu, una ni kubulelela muuna ya ezize cwalo, mi bubeli bwa bona ba bulaiwa, hamoho.

<sup>204</sup> Ne ku kaba lipulao zeñata kwanu ha ne lu kaba ni mulao o cwalo. Nji hamuboni cwalo? Yeo ki niti. Ne ba si ke baba ni bo malukula babañata kuli ba pumbeke baana ni basali bao. Kiniti. “Kono hanili u shwile, nihakuli cwalo, mi ha u zibi.” Kona kuli boo kona butata bwateni. Mwabona? Kono cwale, hahulu luli, yeo ki niti.

<sup>205</sup> Konakuli si sikamañi so eza? Ba ba isa kwani ni ku ba luta mwa sikolo. Mi mu ba fumana mwa mikwakwa. Ba na ni libi za masika abona, sene ba nani; ni kutaha mwateni, ba amuhela sibi sa mutu wa mukuwa; mi kipeto baba bana ba lihele linako ze lishumi kufita mo ne ba inezi ka kukala. Taba fela ye ba tokwa ki Kreste, kuina fo ba inzi. Kiniti.

<sup>206</sup> Kona mo kuinezi ni mu American Indiana waluna. Kaufela ye Ni utwela makeke, mwa naha mo, kiyena mu Indian yani. Luli ne ni bile ni ngambolo ye maswe ku yona! Ha ni . . . Ni mutu fela alimuñwi, kono Ni wela kwa neku labona. Eeni, sha. Haiba Mulena a ni biza kuzwa mwa masimu, ka kuezwa lika ze, mi liñusa

laka lifela; U ni lumeleza kupila mane, Ni ka ya kwa ma Indian. Eni, sha. Eni, sha. Mawi!

207 Lu bona sa na ka eza Amosi ha na ka bulela. Mulao wa luna kaufela no ka atulwa. Batili kutokwa . . .

208 Muuso haukoni kuyaha (pulelo yaka neli kuli) fa licwe, yeo naha ibotela lishabati.

209 Kana mu ka yaha cwani keleke ya mina fa Licwe? Kana mukutazi u ka yema cwani fa katala ni ku kutaza Licwe, ni ku li toma fa litaba za makalelo za Evangeli yetezi, kanti sicaba sa hae, babañwi ba sicaba sa habo kwande kwani, ne ba ka mu leleka? Cwale, Ni nyaza mukutazi ka ku sa ba ni bundume, ni Moya wa Mulimu, ka kulwala fela sikwalo, kuli, “Kube yomuñwi ya ka yemela lika zecwalo mi isi na.” Na—Na ikumbuta mukutazi yaka eza cwalo.

210 Kono bumai ki bwa kopano yeo mutu ya tozizwe wa Mulimu ha lika ku ba tiseza Linzwi, mi kipeto habana kuyema hande ni Lona. Yeo ki niti. Kana ukaba cwani ni keleke yeo limpo kaufela ze naini li beleka ku yona, ni zeñwi cwalo, mi he, bona ni sani, mi keleke mane haina nihaiba—nihaiba kupila ka swanelo ni buiswalo, ha ba itusi ABC yabona ya Evangeli? Mi ni kubulela kuli, “Kambe Ni na ni mukutazi yomunde!” Kupalañi, ki mulatu wa hao. Yeo ki niti.

211 Ki mulato wa naha ya henu, ma American baluna, bao lutile kwanu kwa tukuluho ya bulapeli. Kwa sikamañi? Mi lu kutela hape kwa mulaho, ni kubeya mwateni lika zeswana ze lu zwile kuzona ni kuba baba lukuluhile kuzona.

212 Naha ye iswana fela Isilaele. Bona, Isilaele, a taha mwa Palestine, ba leleka ba ba yahile mwa naha. Sa pili, neba na ni baana babande—babande, baana fahalimwa bona. Neba na ni bo Davida, ni Solomoni, ni baana babatuna. Kwa mafelelezo, kasamulaho wa nako, ba tundamena kubola mwateni, ni ku kasheza mwateni, ni kuketela mwateni, kufitela ba ba ni Akabe kulo kwani, yana nyezi muhedeni. Cwale, Akabe neli muuna yomunde hahulu. Yena. . . Oh, na—na bata kueza ka kuluka, kono apalelwa kueza ka swanelo, ku musali yani wa hae.

213 Cwale, ha Ni lwanisi mutu yo ne Ni ambola ka mizuzu nyana yefitile. Wakona kuba muuna yomunde. Kono ki mulao wa lihule lani kwa mulaho wa hae, o bondolola mulala wa hae. Yeo kona taba ye ka eza taba yateni. Utaha fela ka bunolo mwa kona fela kutahela, sina cwalo, ni kumonyeha taba yateni.

214 Kana mwa ziba luna—luna fa cwale. . . Sikoloti sa naha ya luna ki sesituna hahulu, kfitela lu lifa ka mashelēni a ku kolota, a likoloti ze lu ka lifa ka lilimo ze lishumi ni zene kuzwa kacenu. Ki sikamañi se si ka ezahala mulao wo ha u ta fela?

215 Castro, luli, Na mu lwanisa. Ki wa swalisano. Kiniti. Na mu lwanisa. Kono na ezize nto yende ha na cincize mashelēni

ni kuluma gauda kwateni, aleka tumelelalano ya sikoloti ni ku kutisa gauda.

<sup>216</sup> Lu ka tokwa kueza cwalo, kamba kuna ni nto iliñwi ye ka lu yema mwa lipata, yeo kikuli, keleke ya Katolika kona ye sweli liluwo la lifasi. Ina ni masheleñi. Ina ni gauda, yakona kuleka likoloti zaluna hape. Yeo ki niti. Mi munahana balekisi ba zekola, ni balekisi ba makwai, ni batu babatuna ba naha munahana kuli habana kuba ni mali nji, kuli basike ba latehelwa ki lipisinisi zabona kaufela ni kulyanganisa mali abona? Ba ka kutela ku yo nga masheleñi ani mwa keleke ya Katolika, mi kipeto wa lekiswa. Kiniti. Hanili Bibeke ibulela cwalo kuli, “Bufumu bwa lifasi”? Na hani mutu wa lipolitiki, nihaiba mutu ya butali, kono Ni itumela ku Mulena Na Mu ziba. Mi yeo ki niti. Kwani kona kwa ka yo lobala, ona kwani. Mu li talime. Mu talime mi mubone haiba zeo ha li bi cwalo. Fela . . . Ni sepa kuli kaufela lupile mane lu libone, mi ha Ni sepi kuli lu ka tokwa kupila nako yetelele hahulu.

<sup>217</sup> Kono kana mu ka eza cwani? Kana lu ka yaha cwani keleke? Kana lu ka yaha cwani naha? Lu ka yaha cwani naha ku se cwale? Ki sikamañi se lu ka eza ka sona?

<sup>218</sup> Mwendu kihande Ni kuze, niye kusili. Kono, mwa ziba, Ni bulezi zeñata kufitela mane mu ziba ze Ni ambola. Mwabona? Mwa ziba ze Ni talusa.

<sup>219</sup> Mutalime se lu bata. Mina, mwa bona se mubata? Sani kona se mu amuhela. Zani kona litakazo za mina.

<sup>220</sup> Mutalime fa litukiso za luna za televishini kacenu, ze si ka tatubiwa. Ne ba litatubanga sapili, ki ze maswe kwa bana ba luna, ne lu sa ba lumelezangi ku ya mwa—mwa tolopo kuyo bona maswaniso, a—a kubuha a bulela. Kono cwale diabulosi asikululela sani kwa mulaho ni—ni ku si panga televishini, ni ku si beya mwa ndu kaufela.

<sup>221</sup> Mi sani sikona kuba hande, televishini ki yende shangwe, haiba una ni lika zende kuyona. Kiniti, ki yende.

<sup>222</sup> Kono ki sikamañi so eza? Iya i bola hola ni hola, ku itusisa libizo la Mulimu, kukonka, kulwaha, basali ba ba mapunu, likezo za butanya, zeo litiseza ngana ya banana ba mwa ziyezi, kufitela lu fitile fa kuba fela ni sikwata sa mangulunde baba lata kuopela, ki niti, lisinyi. Ki yona niti luli. Mwakona kutalima ku yona.

<sup>223</sup> Naha ya luna kaufela ifetuhile fela sikwata sa lisinyi. Mushimani kaufela ya zamaya ni maukwe a putilwe mwa linoka za hae, ni toho inge i kutile kwa mulaho, ni milili ya hae ilepelela kufita mwa mulala inge mukukulelo wa milili ya musala Bo. Kennedy, ni kuzamaya kwa ni kwa ona cwalo, inge si bangoki sa sisinyi, ni kubiza ya cwalo kuli ki mu American? U wile kwa sishemo. Baka ni ukute ku Mulimu, ku si cwalo uka shwa.

Leo kona libaka, lu—lu bata kunga mutu mwahali mo ya ka lu lumeleza kueza sika kaufela se lu bata. Yeo ki niti.

224 Kona mo kuinezi ni likeleke. Ha ba bata kuketa mulisana, isiñi mulisana ya ka yema fani ni ku ba natela Evangeli. Kono ba bata mutu ya ka ba ñwaya mwa suti ya kutapa ni yona, ni kubapala papali ya bunko mwa malibela, ni kupila ka mukwa kaufela o ba bata, litukiso za televishini ze si ka tatubiwa fa silimba, butanya' ni masila, kuikopanya kwa keleke ni lifasi hamoho.

225 Ki kabakaleo Amosi na huwa kulwanisa lika zani. Mu nahana kuli sicaba ne si ka mu amuhela kanti kona be ba ketile lika zeo kubateni?

226 Haiba nji mulisana a kutaza ka mizuzu ye mashumi amabeli, sikwata sa basepahali si mu bizeza mwa muzuzu ni kubulela kuli, “Talima kwanu, mulisana. Ha—ha lu si ka kutisa kwanu ku to eza nto ye cwalo. Luna ni mikoloko ya mizuzu ye mashumi amabeli. Yeo ha i kwanile, u swanela kutuhela, keleke i lukuluhe izamaye.”

227 Sa tokwa kueza ki ku lahela sikwata sa basepahali sani fande mwa munyako, ni kunga Bibeke ni ku kutaza busihu kaufela, sina Paulusi mwa na ezelize, ni kubona zuho ya bafu. Luli. Ba mu lelekele fande a muyaho; mbweshu aine mwa makozwana a nzila. “Mulimu wakona ka ona macwe aa . . .”

228 Mazimumwangala, wayalezi ya maswaniso asika tatubiwa, masila, busafa, ni kueza mutala. Mutalime fa banana baluna kacenu. Mutalime basizana baluna babanyinyani. Mutalime banana ba ba zwa kwa sikolo, mane ha ba si ka kwanisa neba lilimo ze silezi za kupepwa, zesupile, eiti, kono ba tushanisa makwai. Kiñi seo? Maa bona kubonahala kuli ne li muzubi. Haiba na sa ezi cwalo, kona kuli ki banana babañwi bo ba bapala ni bona. Mutokomele baba bapala ni bana ba mina. Kiniti. Kwanu nako yeñwi . . .

229 Nako yeñwi yefitile, musala ka wa ziba, ne luinzi fa tafule. Mi Joseph waka yomunyinyani a bulela linzwi le ne li ka swabisa sandaula wa cakolwa. Na to fetuha. Se nili, “Kisikamañi seo?” Mi bomahe ba bata kuwelela. Mwanana a bonahala ku sa ziba sika.

230 Ki hali, “Ki butata mañi, tate?” Ni mioko yekambile mwa meeto a hae.

231 Se nili, “U si ke wa bulela nto yecwalo.” Na sa zibi kuli ne li nto mañi. Ha lu to lemuhu, kanti banana sikolo ne ba itusisa linzwi le li maswe lani. se nili, “Mulatiwa, zeo ki za diabulosi.”

232 Mwabona, ki fo he cwale, bana ba mina. Si fitile fela fa sibaka sesiñwi, muzwale, kufitela iba fela kangisano sina ha ne lu ka li nja-ica-nja, buino bwa tamahano ya sibi se si cwalo. Oh,

mawi! Litukiso za mazimumwangala, balati ba sibi, balati ba minyaka! Oh, mawi!

<sup>233</sup> “Mizuzu ye mashumi amabeli ki yemiñata. Ni lukela ku yo buha maswaniso fa wayalesi ya maswaniso.” Mwabona? “Amu akufe mu wise lika ze mo. Ni lukela kueza cwalo.” Mwabona? Ba ezize bulapeli bwa bona. Baile kulo kwani, mi kihona kulikani.

<sup>234</sup> Kono, Na mi bulelela, muuna sakata kamba musali sakata ya pepilwe ki Mulimu u ka ina hola ni hola, inza nwa mwa Linzwi la Mulimu. Isiñi zeo feela, kono ha li fita mwani, la swala hande ni kucinca bupilo. Amen. Eni.

<sup>235</sup> Ki litakazo za sicaba sa hesu. Buino bwa luna kaufela bu sinyehile mane kubola. Ki ze batiwa ki sicaba sa hesu.

<sup>236</sup> Munge muuna yomunde, kuli, inge muuna yomunde, mu mu beye mwa sikwata sa lubasi sa balati ba minyaka, ba ka fa mutu yani bupilo bwa nja; kamba, musali yomunde, ikaba neku leliñwi, ku mu beya mwa lubasi lo lu lyangani. Kiñi, lubasi kaufela lu swanela kuipeya ku Mulimu. Ki musebezi wa luna wa kulapela, kufitela bana ba luna ba piliswe, lu buluke ndu yaluna mwa sikuka hande. Ehe.

<sup>237</sup> Lu swana sina Isilaele mwa na ezelize, ya na isweli bulikani ni lila za hae. Pili, ne bana ni kuba kwahule ni Linzwi ba si ka eza kale cwalo. Mi si bonisa fela ka mo America abezi kwahule ni Linzwi.

<sup>238</sup> Mwa ziba, una—una ni kulatula niti u si ka lumela kale buhata. Kona ona cwalo. Yeo ki niti. Eva pili nana ni kuhana Linzwi la Mulimu a si ka amuhela kale buhata bwa Satani. Nebana ni kuba kwahule ni Linzwi ka nako yani, kwasana ni cwale, kutuhela Rome i hape kusina ku kunupa lisho. Ha ba zibi Linzwi la Mulimu ka lika ze. Bwani kona butata bwatani.

<sup>239</sup> Lu tokwa kuzuha kwa mupolofita wa niti, ya ka lu kutiseza kwa Linzwi. Yeo ki niti. Lu sepisizwe ya cwalo. Lu sepisizwe cwalo. Eeni, eni sha. Malaki 4 ibulezi kuli u ka ba fa. “Mi uka kutisa Tumelo ya sicaba ku kutela kwa bashemi ba pentekota bani hape.”

<sup>240</sup> Amosi na ziba kuli balati baba sa zibi bulapeli ba mwa Isilaele ba ka mu bulaya zazi leliñwi. Cwale ha lu boneñi ni bulele se ka likute. Ni yena mulumeli kacenu ki mwa zibela kuli lifasi, balati ba mwa America ba, ba ka mu sinya. Lilato la hao ka za lipolitiki! Ni ka tuhela fela seo sinwele fa muzuzu nyana. Seo si ka sinya naha. Mi lilato la hao ka za lifasi, isi kutaha ka Linzwi ni kulika kueza se si lukile, li ka sinya keleke. Yeo luli ki niti. Ni sepa zeo li utwahalile. Keleke ne i Mu tobohile, ya siya Linzwi la Hae la Bupilo. Lifasi kaufela la sitatala fateni, inge licwe la sitataliso. Ba eza lika zeswana kacenu. Eeni. Haiba Amosi na kaba fa, na ka huweleza kukalimela mulao kaufela.



241 Cwale, ka kukwala, Ni bata kubulela cwana, mwa timana ya 8. Muteeleze katokomelo. Ki hali, “Tau ha i bopa, ki mañi ya si ke a saba tau ha i bopa?”

242 Mi Ni zumile litau. Tau ki yena mulena wa libatana. Mwa Africa Ni lobezi mwa mahalaupa ani, ka nako ya busihu, mwa macwan ani, kamba ne li bulimbwe.

243 Tau i ka tulela kwapata a tobolo yesweli ku kunupa. Ha i sabi zeo, kono haiba ku sutelela bukaufi ni muutwa. Mu utwile litangu. Kono, yeo ki niti, tau ha i koni ku sutelela bukaufi ni muutwa. Ba yahanga tundu twa miutwa cwalo loongo, mi tau haikoni kutulela fateni. Kusi cwalo, yakona kutaha hande fateni.

244 Billy ni Na. Na hupula ha ne ni lobezi kwani busihu bobuñwi, mi na utwa silomo sa yona sesituna inge ni ngungula kwa ni kwa, *fani* fahule ni toho yaka, mwabona, kono ne—ne i sa suteleli fakaufi. Mutala wa yona omutuna, inge uzamaya sina *cwalo*, inze i zamaya fa mubu.

245 Mi mwa kona ku utwa lika kaufela kwa litongwani, sitongwani se si keketeza, sitongwani se si lila, mi—mi za—za lilanga. Mi—mi mi ka utwa lipombwe, linjoko, ni—ni litutwa, ni litou ni kulila kokutuna kwani ni “kutabela.” Mwa kona kuli utwela isali kwahule limaili maili. Ni likokwani ni tumbombo twa mifuta kaufela inge tu toliya lilata la mufuta kaufela. Kono mutuhele fela kuli tau i bope fahule nyana, neba tumbombo tu ka kuza kulila kwa tona. Tu ka teezeza. Kiñi? Ki yena mulena wa tona. Tu ka i teezeza.

246 Biblele ibulezi kuli, “Fani Mulimu . . . Tau ha i bopa, ki mañi ya si ke a saba? Mi cwale Mulimu ha bulela, lu ka itulela cwani lu sa polofiti?” Lu ka ina cwani lu kuzize? Mulimu ha bulela, mupolofita u ka patalaza Linzwi le li bulezwi. Mi haiba Ki Linzwi la Mulimu . . .

247 Mi tau ya bopa; tumbombo, lika kaufela, za kuza, kakuli za saba. Mulena wazona—wazona—wazona wa—wa bulela. Lina ni—ni ngana yeñata, bundume, ni likute leliñata, kuli li kuteke mulena zona ha bulela.

248 Kaewalo, Mulimu ubulela ka Linzwi la Hae, kona kuli sibupiwa kaufela sa pupo ya Hae si kutumane. Wa bulela mwa mazazi a maungulo aa. U sweli kupatalaza Linzwi la Hae. Mi utokwa kuli sibupiwa kaufela se si fumaneha mwa Mubuso wa Hae si utwe ku Za bulela. Kuyema. Ku itatuba. Usweli wa bopa cwale, u bopa ka Linzwi la Hae le li pakilwe. U nza Itibahaza. Ha bopa mwa mazazi a maungulo aa, ha lu teezezeñi, ni kuziba kuli ku na ni si libelezi kuezahala, ka kuziba kuli Mulimu ha ezi sika kusina pili ku si zibahalisa ka muhuwi. Ha bopa cwalo, kona kuli sesiñwi si ka latelela kubopa koo, eeni, kakuli Wa taha cwale.

249 Na ize, “Kikuli kuna—kuna . . . Kikuli tau i ka bopa kusina libaka? Kana mwana a tau uka lila, mwa musima, a si ka swala sesiñwi?” Mwabona?

250 Mulimu una ni libaka la kubopa, kakuli U ziba kuli katulo i fakaufi. Mi, Linzwi la Hae, Linzwi la Hae ki mupolofita wa Hae. Ki yena. “Bo kona bupolofita bwa Jesu Kreste.” Ki sinulo, Mulimu u i patulula Iliyena ku luna ka Linzwi la Hae le li ñozwi. Mi Ki yena Linzwi. Mi, cwale, le kona Linzwi la Hae. Hakuna se si kona ku ekezwa ku Lona kamba ku zwiswa ku Lona, kona Li swanela ku pilwa ni ku namululwa handende ka mo Li inezi. Ha lu swaneli, kuzwisa sika ku Lona kamba ku ekeza sesiñwi ku Lona. Mulimu u sa li Mulimu. U sweli wa bopa.

251 Na ize, “Mo ne kuinezi mwa mazazi a Nuwe, kona mo ku ka bela ni ha taha Mwana mutu. Ne ba ca, kunwa, kunyala, kunyalisa, mwa butanya.”

252 “Mi sina mo ne kuinezi mwa mazazi a Lota,” A taha Yena kasibili mwa mubili wa nama, ni ku iponahalisa Yena kasibili kuba kwani ku Abrahamama. Ali, “Ki mo ku ka bela ni ha taha Mwana mutu.” Mutokomele lika zeo. Maseli a manzibwana a monyeha.

253 Oh, kambe luna ni Amosi mwa naha kacenu, ku mu lumeleza kuli a bope, na ka bulumunela fafasi milao yaluna ni lizo, mi Linzwi la Mulimu ne li ka pahama ka kutuuma.

Ha lu lapeleñi.

254 Ndate yakwa Lihalimu, bulela hape. Bopa sinca, Mulena, ka Moya o Kenile. Ki yena Mupolofita wa hola ye. Ki yena Mupolofita wa lizazi la kacenu, ulika kufumana nzila mwa lipilu za baana ni basali, kuli Akone kubulela Niti. Ni tabile hahulu kuli Usweli kufumana babañwi. Na lapela, Ndate yakwa Lihalimu, kuli A fumane babañata mwahali mo busihu boo, kuli Aitusise yomuñwi ya itukisize kuba ya likute. Ha ba utwa kubopa kwa Mulimu yamata kaufela ku utwahala ka Linzwi la Hae, katulo i fa kaufi.

255 Mi tau ha i bopa, kipeto i sutelezi. Kaufela—kaufela sibupiwa kaufela si ziba kuli kihande si ipate, kakuli mulena usutelezi inza taha.

256 Mulimu, lu na ni fela maipato alimañwi a kusabela, haiba Mulena wa malena a bopa, ao ki Mali a Jesu Kreste. Luna ni sibaka sa maipato. Na lapela, Ndate yakwa Lihalimu, kuli Ubulele kwa lipilu zaluna busihu cwana. Mi lumeleza bazibe kuli bapila mwa miluti ya Kutaha kwa Kreste, foo linaha ha li ikaba, mi lika za zwelapili, ka mo liinezi. Mi, ibo, mwa sishemo sa Hao se si nde . . .

257 Lu ezize sibi hahulu, kubonahala kuli No ka lu fulalela, ni ku lu siya lu icambaelele. Kono, niteñi, sina mo No inezi kwa mulaho kwani mwa Edeni, Wa eza nzila ya kusaba ka yona. No

ezelize Nuwe nzila ya kusaba ka yona. Wa ezeza Mushe yeñwi, ni ya Daniele, ni bana ba Maheberu. Wena, Usweli kulukisa nzila kamita. Mi bona baba I fumana, ba ka zamaya mwa Liseli la Mulimu ni kuba ni Bupilo. Ba ba Ihana, ba nyaziwa mi ba nepelwa kwahule.

<sup>258</sup> Na lapela, Ndate yakwa Lihalimu, kukona kuba alimuñwi ya cwalo mwahali mo busihu cwana, ya hanilwe. Mi ha ba utwe ha munati kubopa kwa Mulimu, ona Moya o Kenile u bulele mwa lipilu zabona, ni kubulela kuli, “Yo ki Na. Mu si ke mwa saba. Ki Na.” Kakuli lu kupa ka Libizo la Jesu. Amen.

<sup>259</sup> Ni ka libelelisa pizo ya kwapili ka mizuzu yelishumi cwalo. Ni liyehile nyana. Kono Ni lumela kuli Billy ufile makadi a litapelo masihu nyana afitile, kamba nto yeñwi fela isili, kwani ku Muzwale Groomer. Mi Ni sepa uli u bafile busihi bwaluna bwa mafelelezo. Ne ni si ka ba biza. Ha ni . . . Ni sepa kuli u ba file hape mañwi busihu boo. Ha ni zibi haiba u file kamba na si ka fa, kono ha lu bizeñi amañwi a makadi ani. Kana Muzwale Groomer uteni mo? Groomer? Batili, batili. Groomer. Kikuli uteni mo? Ne lu kalezi kai? Lukalele fa nombolo ya . . . Kikuli lu kalezi fa wani, kupahama cwalo?

<sup>260</sup> Maabani busihu, ne lu sina makadi a litapelo. Lu . . . Moya o Kenile no ile fela mwa sicaba ni kubiza batu. Kana mwa tabela cwalo? [Kopano ili, “Amen.”—Mu.] Na tabela, nina. Ni kukutaza ka tata sina cwana, zeo Ni bonahala kuli mwendi libezi ka zona.

<sup>261</sup> Ni—Ni fanga sicaba kadi ya tapelo, Ni tamehile kulapelela mutu yoo. Ku felile. Haiba haluna moya wa temuho, kipeto kulukile. Kono Ni tamehile ku lapelela mutu yani. Mwanake u fa kadi ya tapelo, Na—Na ni lukela kulapelela mutu yoo. Kihona. Kacwalo, Ni—Ni ikutwa ona cwalo. Ni ka eza cwalo, Mulimu haiba a ni tusa. Ni si ka zwa kale mwa naha mo, Nika—Nika eza ona cwalo.

<sup>262</sup> Cwale, halukoni kuina nako yetelele. Ha lu boneñi, ne lu kalezi kuzwa fa wani kuisa fa twenti-faifi, Na sepa neli fona, busihu bwaale. Ehe, wani kuisa fa twenti-faifi. Na . . . Muzwale Groomer, kikuli utemo mo? Muzwale Groomer? Ha ni buleli hande libizo leo. Kono Ni sepa kona ona cwalo. Wani . . .

<sup>263</sup> Kihande, ha lu kaleleñi fokuñwi feela busihu boo. Ha lu kaleñi, lu kaleleñi fa sebente-faifi, ni, kuisa fa wani handeleti. Ki mañi ya na ni kadi ya tapelo nombolo ya bu sebente-faifi, nanula lizoho la hao. Ha lu boneñi haiba . . . Kihande, ki hande. ki hande. Ku lukile, taha kwanu, kalibe. Sebente-faifi, sebente-fo, sebente- . . . ki sebente-faifi feela. Cwale sebente-sikisi, sebente-sebene, sebente-eiti, sebente-naini, eite, eite-wani, eite-tuu, eite-sili, eite fo, eite-faifi, eite-sikisi, eite-sebene, eite-eiti, kuisa fa handeleti. Ha ba tahe kwanu. Ukai Billy Paul? Muni swalele. Kulukile. Munge, muye fafasi fani. Balibeleli fa munyako ba mutuse kufitela a kena mwa mukolo wa kulapelelwa.

<sup>264</sup> Cwale, babañwi ba mina, amu ni talime fa muzuzu fela. Eeh. Kana mwa Mu lata nji? Kifo cwale ka bunolo, luopele ha munati, fa muzuzu fela, foo mina babañwi mizwale hamunze mutusa batu kuzwela kwani. Oh, ni itumezi. Ba ba fumani, kulo kwani, kacwalo bona. . . Kuli mikoloko isike ya lyanganiswa. Ni bata kulapelela sicaba se. Mi, kamuso, lu ka lapelela bakuli ka kuswana fela, ni cwalo ni cwalo, kufitela mukopano ukala. Mi Na. . .

<sup>265</sup> Mwendi Muzwale Roberts wakona kuba ni mukoloko wa litapelo kwani, ni yena, kwani kwa—kwa sibaka. Ne ni sweli ku nahana kuli sibeli sa luna lu nani alimuñwi hamoho, alimuñwi kwa neku leliñwi, mi yomuñwi kwa neku leliñwi. Kono Ha—Ha ni zibi kamba wa tabela cwalo kamba nee. Ha ni si ka bulela ni yena, mi kihande ni ambole ni yena pili, mwa bona. Muzwale Oral ki yomunde, ki mutanga wa luli wa Kreste. Mi na ka ikokobeza hahulu kuli aeze cwalo, kono Ni toile fela ku inepela ili na kwani ni muuna ya cwalo, mwa bona. Kona kuli kihande Ni li tuhele fela. Kihande, haiba na ka ni bulelela, haiba na ka ni kupa, “Muzwale Branham, taha u ni tuse,” Neni—Ne ni ka tabela kueza cwalo. Kono, cwale, ki ya ikokobelize luli mi ki muzwale yomunde. Mi ha na ka ni kupa kueza sika, Na, kaniti, Ne ni ka si eza. Kono Ni kona kubata kuli a ni kupe, pili, mwa bona. Kihande ni si ke na bulela sika ka sona. U si ke wa mu bulelela sika, cwale. Fela tuhela—tuhela a ni kupe, kona Ni ka ziba kuli ku lukile. Mwabona?

<sup>266</sup> Kono cwale—cwale lu ka bona. Ki ba bakai babanga. . . Kihande, cwale, ha lu boneñi. Ki makadi amakai a litapelo aliteñi mwahali mo? Ha lu boneñi mazoho a mina. Oh, kuna ni amañata nyana hape, mwendi ki fifite hape. Fote, fifire cwalo, mwendi. Oh, ehe, mwendi ki mashumi amane hape cwalo. Ku lukile. Cwale lu kaba—luka ikungela. . .

<sup>267</sup> Lu ka ba nga ni bona. Cwale luteni. . . Amu swale fela kadi ya mina, haiba ha mu si ka bizwa. Mwabona, seli mizuzu ye lishumi kasumulaho wa teni, mi Ni—Ni bata kuli mu be kwa sikolo sa la Sunda kakusasana cwana. Mi mwendi kamuso, ka kuba ni lisebezo zepeli, lu ka kona kufeza makazi kaufela o lunani ka nako yeo, mi cwale kona—kona lu ka kalisa amanca la Mubulo hape.

<sup>268</sup> Lukaba kai la Mubulo busihu? Oh, lu kaba kwani, lubulele kuli, kwa Tucson. Musike mwa libala kutaha kwa Tucson cwale, kwa mukopano kwani. Kuna ni yazwa kwa Tucson mo kana? Ehe. Luli. Sibaka sa simu yende mwa lifasi, luli, mu swanela kuzwelela kwani. Muzwale Carl Williams u ka ni natela zeo, leliñwi la mazazi aa. Ha Ni taha kwanu sapili, ne li mileneñi ye ne lwanisana, mi Ni bona kuli ba sa lwanisana.

<sup>269</sup> Ni twaezi zeo. Mbola yaluna, ya baseball, kamba sikwata sa basketball kwa hae, mileneñi ye lwanisana yani, Jeffersonville ni

New Albany, oh, mawi, mawi, mawi! Whew! Hakuna busihu bo bu sina sikwata sa ndwa yetuna, ha ba na ni papali, kona kuli ha Ni zibi ko ikonela kubela.

270 Bona kamita bakona hahulu ona cwalo, Na ziba, mwa Tucson. Kono Phoenix i fitelezi Tucson hahulu mwa butuna, Na sepa, kakuli Na . . . Tucson, Ha ni sepi kuli ikona kulikana neba hañwi ha ne lu ka aba Phoenix halalu. Kono . . .

271 Lwa ya kwateni kwani, kakuli bana ni batu kwani, babande ba bulumeli kulo kwani, Na ziba hande. Kai ni kai ko Ni ile mwa lifasi, ku yo punya ni mwa mishitu ya Africa, Ni sa ba fumana. Oh, mawi! Ni lakaza kambe musala ka na ka taha fahalimu fa ku to mi opelela pina yani busihu bobuñwi, “Ba zwa kwa Upa ni kwa Wiko, kuzwa kwa linaha za kwahule.” Cwale, u ka nanuha ni kuzwela fande ha Ni bulezi cwalo.

272 Kacwalo, u saba hahulu Muzwale Rose. Muzwale Rose naize, “Kezeli Branham uteni mo. Lu ka mu kupa kuli ayeme atahe kwanu, ato bulela manzwi nyana.”

273 Ki hali, “Pilu yaka ya tula linako ze fifitini.” Ali, “Na inamela fafasi.” Ali, “Bill, haiba u teni mwa mukopano,” ali, “Ni ka bona kuli ni na ni kuipata.” Yena uli una ni maswabi. Kacwalo, Ni—Ni—Ni ka utwa zateni ha Ni ta fita kwandu.

274 Ni sepa kuli mina mitangana kaufela . . . Ni bulela cwana, isiñi kuli uteni mo. Mwa ziba cwalo, ni kaufela baba mu ziba. Ni sepa kuli mutanga kaufela mwa muyaho mo, ha ka nyala musala hae, u lukela kuba ya munati ku yena, mi mube baba tabile hamoho, sina musala ka ni Na mo lu bezi baba tabile lilimo ze. Haiba kuna ni tumbo ye lukela kufiwa kwa lubasi lwa ba Branham, ha i zamaye ku yena. Ki yena mulena wa musali. Luli ki yena. Nto iliñwi, ki me wa niti. Mi cwale mutalime sa na ni kueza, mwabona, mi cwale, kihande, uka—uka komoka lika zateni. Kiñi, sicaba fa munyako, musihali ni busihu. Mi uyemi mwahala ka ni sicaba, mwabona, kwani kona, kwa ndu. Kacwalo wani ki musebezi o tata luli.

275 Mi Billy Paul wa mwanana, Ni nahana zateni, linako zeñata, hane Ni mu nanulanga kai ni kai, bomahe ha ba shwa, mbututu fela yomunyinyani. Dr. Adair na bulelanga kuli, “Wena u mutu ya shutana.” Mi Ne ni yanga mwa mukwakwa, inge ni mu nanuzi, mi inga lilela bomahe, mi ne kubata, mwa ziba, inge ni mu beile fa liheta, sina *cwana*.

276 Mi ne ni sina masheleñi kuli ni mu beele . . . kamba ku mu lekela botela ya niti. Ne ni lekezi botela ya Coke ni kanwelo fahalimu ayona. Ne ni ibeyanga *mo*, ni ku ibeya mwa liñafwa laka, kuli i futumale. Ha na lila hahulu, Ne ni zamaya kwa ni kwa, na mu longka kazwele ka botela yani mwahanu. Kipeto wa anya hanyinyani, ni kubeya botela hande kuikutisa cwana *mo*. Mi ne Ni fumanehanga ni mabisi bisi fa mubili, ni lika kaufela, mwa ziba.

277 Ne ni mu sweli, inge ni zamaya ni yena, mwa ziba, ku mu zamaisa zamaisa cwalo. Nako ya busihu, mawi, mo ne Ni likela ku mu kuzisa kuli a lobale, ni kuli yomuñwi ato muinela ha Ni ile ku yo lapelela bakuli. Lu zwa kwahule ni yena hamoho. Ni sepa Uka lu buluka ka nzila yeo.

278 Na ni mutalima maabani, inza nanuzi mushimani wa hae. Mi Na hupula kuli, “Billy, ni wena noli cwalo, ki nako fela yekuswani ha ki kale.” Kihande, cwalo kona mo lu lukela kuezezanga, kuzwa mwa nzila, ni kufa babañwi kolo. Ku fuyolwe Libizo la Mulena.

279 “Mi tau ha i bopa, mwabona, ki mañi ya si a saba?” “Kanti mane sabo ya Mulimu kona makalelo a butali.” Kana kucwalo? Kona sa na bulezi muuna ya butali. “Sabo ya Mulimu.”

280 Cwale, Ni bata mina sicaba babali mwa mukoloko wa tapelo wo, baba yemi fo, wena kaufela ya ziba kuli hakuna se Ni ziba ka wena, nanula lizoho la hao. Mañi ni mañi. Mulena yomunde wa Lihalimu kakuba Muatuli waka; kuya ka mo Ni zibela mwa bupilo bwaka, Nali kuba ni bone neba alimuñwi wabona mwa bupilo bwaka. Bona hakulata ba ni boni fateni, mwendi inge bainzi mwa sicaba.

281 Cwale, ki ba bakai kafo mwa sicaba, baba ziba kuli hakuna se Ni ziba ne ba sesikana ka wena? Kono, ibo, wa kula, mi u lumela kuli, Mulimu, wakona kuswala mungundo wa lisila la Hae, ni Mulimu ukona kubulela kuna kuli ni ku bize, sina mwa Na ezelize ku musali, sina musali wa makalelo yani? Oh, mawi! Kona ha Ni kotalize nako yetelele cwalo. Sicaba se si cwalo, ni mufuta wa tumelo ye cwalo yani, i lukela kulipeta.

282 Yo ki yena kalibe? Cwale, ki yo fa kalibe. Lu kopana busibu bo kakuba baenyi, mi fa uyemi fa. Eeni sha, mwendi wa kula, kamba mwendi u na ni butata busili.

283 Mwabona, Mulimu ueza lika lisili kwanda kufolisa bakuli, mwa bona. Mi kacwalo . . . Mi U sepisize ku kopana ni zelutokwa kaufela, zelutokwa za luna, fokuñwi isiñi za kubata kwa luna, kono zalutokwa za luna. Cwale Ni bata kuli mu nahane fela, alimuñwi cwale, ha mu ya kwa mandu, kamba haiba wa li kuba u i bale fateni, kubala Muñoli Joani 4, ni—ni kubona cwale. Cwale, fa, cwale, Ha ni hupuli . . .

284 Haluboneñi ni bulele cwana. Na lumela, bulumiwa boo, ikaba yaba kuli Uka ni ngela kwa hae kamba ku bu hulisa. Bu—bu fitile kwa nako ya maungulo ye. Kamba, mwendi a ni lumele kwabuse bwa mawate kamba kokuñwi ko ba si ba Bu utwa kale. Mwabona? Kuna ni se si libelezi kuezahala. Mu hupulange fela cwalo.

285 Mi, amuteeleze, Na ha ni mulekisi wa matepu. Kono Ni na ni muzwale yomunde mo ya lwalanga matepu a, mi bani ki Bo. Maguire. Ni lumela kuli ki James Maguire. Ni mu—mu mukwenyana hae wa muuna, Muzwale Sothmann kwa mulaho

kwani, kona baba buluka matepu aa. Na cwale, haiba kuna ni yomuñwi wa mina yana ni tepu rekoda. . . Hanina kubulela sika ka yona cwale, kakuli hakuna se Ni ziba ka yona. Kono haiba ukile wa leka tepu ku bona, leka tepu yani yakuli, *Muñaka, Ki Nako Mañi Sha?* U iteeleze, *Muñaka, Ki Nako Mañi Sha?* U ilize ka tapelo, mi kipeto u ka kala ku ni lapelela. Mwabona? Ha se ubile. . . Kakuli, mu ka bona se—se sili butata bo Ni yemi kubona ona fa busihu cwana. Kubulela ka za butata, kambe mwa ziba fela fo Ni yemi, ka nako ye cwale, ona fa! Mwabona? Kono Ni swanela kuzwelapili. Mukomi ha ñalangi, hape ya lata kuñala-ñala hakoni kukoma. Yeo ki niti. Ni swanela kueza ze Ni kutalize. Mwabona? Cwale, Na lumela ku Mulimu. Na Mu lumela onafa cwale.

<sup>286</sup> Cwale, fa kuna ni mayemo. Cwale, haiba Ni—haiba Na ne ni kaba Mulena luna Jesu ha ni yemi fa, mi musali yo wa inza kula, mwa ziba kuli Ne ni si ke na mufolisa haiba Ne ni kaba yena Mulena Jesu. Ne ni si ke naeza cwalo, kakuli Ne ni kabe ni liezize kale. Cwale, ki ba bakai baba ziba kuli yeo ki niti? [Kopano ili, “Amen.”—Mu.] Mwabona? Kiniti.

<sup>287</sup> U swalezi kale sibi kaufela. U folisize kale mutu kaufela ya kula. U petahalize kale Mali ani fa Kalvari. Tifo i lifilwe kale. Kaufela li lifilwe. Kono taba fela yo lukela kueza ki ku I amuhela, ku I lumela ni ku I amuhela. Mi haukoni ku I amuhela konji pili u I lumele. Mwabona? Lumela Evangeli.

<sup>288</sup> Cwale, kono kucwani kambe Na ka yema fa, inza tinile suti ye yona Mulena na konisize Muzwale ni Kezeli Williams ku ni lekela, mwendi seli myaha ye ketalizoho kamba ye silezi kwa mulaho? Mi kucwani kambe Na ka yemela suti yani, inza tinile suti ye, mi musali yo a yemi faa?

<sup>289</sup> Cwale, haiba Na na ni mañiba mwa lizoho la Hae, Na ka bulela kuli, “Wa bona, Kina Mesia. Na. . . Wa bona mañiba nji? Talima fa pata ya Ka.” Cwale, mulikanyisi kaufela wakona kueza cwalo. Yeo kiniti. Haukoni ku Mu ziba ka zeo. Mi haiba Na ka yema fa sina cwalo, Ne ni ka ziba kuli ha ki Yena. Ne ni ka ziba kuli ha ki yena.

<sup>290</sup> Kakuli, Ha ka taha, tolombita i ka lila. Luka. . . Mane haana neba kuhata fa mubu. Lu ka ngelwa mwa mbyumbyulu, ku yo Mu katanyeza. Mwabona? Lu Mu katanyeza mwa mbyumbyulu. “Luna baba pila mi lusiya lu ka ngelwa hamoho ni bona, ku yo katanyeza Mulena mwa mbyumbyulu.” Ha tahi fa lifasi. Lu Mu katanyeza mwa mbyumbyulu.

<sup>291</sup> Kono cwale, U ize, “Ni kaba ni mina, kuisa kwa mafelelezo a lifasi. Hanina ku mi siya kamba ku mi yaya.” Kikuli Ukona ku ba cwani cwalo? Bupilo bwa Hae. Kanti, haiba Bupilo bwa Hae bu ba ku na, mi kipeto Ni ka yemela Yena. Mi, haiba ku cwalo, ikona kuba Bupilo bobuswana bo ne buli ku Yena, bu ka eza lika zeswana za Na eza.

292 Cwale, ki yo fa muuna ni musali, sina Muñoli Joani 4. Na katani musali. Na si ka mubona kale fateni. Musali ni yena na si Mu bona kale fateni. Mi ba yena, hamoho. Mi ki Ha mu bulelela, musali fa siliba, sene sili butata bwa hae. Mi ha Na ezize cwalo, musali ali, “Muñaka, Ni lemuha kuli wena U—U mupolofita.” Musali ali, “Kono lu ziba kuli Mesia, Ha taha, Ya bizwa *Kreste*, kutalusa kuli, ‘ki Ya tozizwe’; Ha ka taha, Uka eza lika ona ze, uka lu bulelela litaba zee.”

Mi Yena ali, “Ki Na, ya bulela ni wena.”

293 Cwale, haiba Wa swana maabani, kacenu, ni kuyakuile; fela, ka mubili . . . U itusisa mubili wa luna. “Ki yena kota luli. Luna lu mitai.” Mi, Moya wani uka eza hape ona cwalo fela sina mo ne U ezeza hane U li ku Yena. Kana ki niti yeo? Kana si ka mi konisa kulumela? Muli, “Amen,” kambe ne kukaba cwalo. [Kopano ili, “Amen.”—Mu.]

294 Cwale, kalibe, na hani ku zibi, nali kuba ni ku bone fateni mwa bupilo bwaka, sina mo Ni zibela. Kakuli, kaniti u ni boni mwa mukwakwa kamba mwa mikopano, ni zeñwi cwalo. Kono ye kona nako ya luna yapili ha lukopana.

295 Cwale, haiba—haiba ki foliso yo tokwa, kihande, Na, haiba Ni kona kuezwa cwalo, Ne ni ka eza, mi haiba Nina ni mukwa kaufela. Mi haiba ki masheleñi, haiba Ni—Ni kona ku tusa, Ne ni ka eza cwalo. Mi haiba no ka bulela, mwendi yomuñwi feela, na kali, “Ni tile fa, Muzwale Branham, kuli u—u lapelele mwana ka wa mushimani, kamba wa musizana, kamba kezela ka, kamba bondate,” kamba usili fela. Ne ni ka eza cwalo, mwabona, sika kaufela se Ni kona.

296 Mi—mi haiba una ni butata bwa mwa lapa, Ne ni ka li, “Ni ka tabela ku kopana ni wena ni bomuuna hao, hamoho, ni ambole ni mina kokuñwi fakaufi fa, mwa bona, kuli Ni ambole ni mina bababeli ni kubona fela fo kuna ni butata.” Mi, Moya o Kenile ha u patulula, kuli, “Libelela fa muzuzu. U ezize se ona fa ka nako ya kuli *ye*.” Ani kona mafelelezo. Haukoni kulatula zeo. Mwabona? Uli, “U ezize *seo* fa.” Mi, kipeto ku felile, mwa bona. Cwale, u kalela ona foo. Mwabona? Ka nzila yeo, li ezahalile.

297 Cwale, u ziba kuli Ni ambola ku wena ka mulelo omuñwi. Ni bile ni kutaza. Mwabona? Mi cwale Ni—Ni ikutwa fela inge—inge ni mwa tozo ya sesiñwi fela, mwa bona, kubona haiba Moya o Kenile uka taha ku to beleka kuna ka mpo ya Bumulumu; fo kikuli, minahano yemibeli yeinzi hamoho, ye ni fa sishemo sa Mulimu kubona lipono, ni kubona se si ezahala, se si ka ezahala, se si bile teni.

298 Mwa ziba haiba ki niti kamba nee. U yemi fa fapila batu baba mianda iketalizoho, mwabona, kamba fakaufi cwalo, mianda yemilalu, nihakuli cwalo. Mwabona? Mi—mi wa ziba kuli ki—ki . . . U ziba haiba ki niti kamba nee. Mi—mi haiba ki niti, konakuli ki Mulimu. Bibebe ibulezi kuli, “Haiba kuna ni



alimuñwi mwahala mina, ya li wa moya kamba mupolofita, mi sa bulela si to ezahala, konakuli mu mu utwe.” Mwabona? Cwale, “Haiba ha ku cwalo, konakuli mu si ke mwa mu utwa.”

<sup>299</sup> Cwale, Ha ni zibi sa tezi kalibe kwanu. Kono cwale mutuhele fela Moya o Kenile utahe, mi mubone haiba Ha li buleli. Mwabona? Mi haiba yeo haina ku ba nto yeswana ni yana ezize Mulena luna! Kona fela za Na ka eza haiba Na ka yema ona fa, kakuli, muhupule, ki Yena. Ki Yena. Ha ki na. Ha ni mu zibi. Na ipulela, Na ha ni mu zibi. Kacwalo, ne si ka nga Yena.

Cwale, eeni sha, kalibe una ni maikuto amande kwa moya wa hae.

<sup>300</sup> Ha ki kuli unanuzi lizoho la hae mwahalimu. Mina kaufela mubile mwa mikopano, ni kuba bona ha ba nanulanga mazoho a bona mwahalimu, kuezwa *cwalo*, mi Moya o Kenile u biza kukuta ni ku ba bulelela sene bali sona. Mwabona? Yeo ki niti. Zeo ha li talusi sika kaufela. Mu ba utwa ha ba huwa ni ku kalumuka; ona fani, mwa ba bulelela ona fo kuli, “U pila ni musala mutu *yoo*,” mwa libonanga kaufela *kwanu*, ni lika zeñwi kaufela. Kihande, mwa ziba. Mubile mwa mikopano mi muboni lika zani mo, mi muboni lika zeo. Sani ha si talusi sika.

<sup>301</sup> Kono kalibe u bonahala kuba ni maikuto amande kwa moya wa hae. Cwale, kalibe u katazwa ki ze fosahalile. Na mu bona, ka mucelo wa hae. Uinzi fapila ka cwale, fa tafule, ni mufuta wa lico kamba nto yeñwi, mufuta wa lico ze ipitezi. Yeo ki niti. Yeo ki niti? [Kezeli uli, “Yeo ki niti.”—Mu.] Konakuli nanula lizoho la hao kuli sicaba si bone. Mwabona? Ni boni kalibe fa pila ka, inza eza nto yeñwi. Kaufela seo sili sona, liteni fa tepu. Mwabona? Ku lukile. Cwale, ili kuli muzibe libaka. . . . Ki mutu yomunde.

<sup>302</sup> Mutalime fa nako nyana fela. Cwale Moya usweli wa toza. Cwale, mañi ni mañi mu be ka likute luli. Munze mulapela. Mube mwa litapelo, kakuli Ni Li boni ha li zamaya mwahala sicaba kanti. Mwabona? Cwale mube ka likute luli.

<sup>303</sup> Ha lu boneñi kalibe hape, ka kuambola fela ni yena. Kaufela sa Na ku bulelezi. . . . Eehe. Ki se fa. Ki fa tafule. Ki—ki butata bwa mwa mba. Mi zeñwi ze swana sina butuku bwa mwa mba. Dokota ubile atalima ku se. Mi, ali, ubile ni butata bo fa nako yetelele. Mi, nako yeñwi, ne ku bulezwi kuli ki, “Litombo za mwamba, ze taha.” Mi cwale a bulela nto yeñwi. Neli sikamañi sani? “Duodenum. Duodenum. Duodenum,” Ni mu utwile ha bulela cwalo. Mwabona? Yeo ki niti. Yeo luli ki niti. Libizo la hao ki wena Miss McCraw. Yeo ki niti. Zwelapili cwale, ulumele ka pilu ya hao kaufela.

Wa lumela?

<sup>304</sup> Kasamulaho wa kulila cwalo, ali kuina kwa mulaho kwani, muñaka, ona maswafu a na wile u swanela kuikutwa hande cwale, haiba u lumela. Ku lukile cwale. Ku lukile, sani ku petahalile. Amen.

Ki sikamañi sa sweli?

305 Mutu, mwendi bababeli kwa mulaho wa hae kwani, ka kuomelela kwa misinga yemituna, haiba u lumela ni wena, muñaka!

306 Ki sikamañi sa sweli? Kikuli hamuboni Liseli lani le li lepelela fani? Mutalime Bu fubelu *fani*. Ha ni muzibi muuna wateni, nali kuba ni mubone fateni mwa bupilo bwaka. A ku lumele fela Mulena Jesu.

307 Cwale, kokuñwi, kuna ni mbututu yomunyinyani mo, mbututu ya na ni mulala o sikami. Ki *zeo* foo. Ha ni mu zibi. Lumela, kezeli. Mulala wa mbututu wo uka otolola, haiba u lumela.

Ki sikamañi sa sweli? Haleluya.

308 Kuna ni nto yeñwi hape ka mulala. Ne ni iboni. Ki musali. Ha ni koni ku mu beya. Eehe. Uinzi mo, wa lila. Musala Bo. Riley, lumela ku Mulena Jesu Kreste, mulala wa hao ukaba hande. U lumele.

309 Ha ni muzibi musali yo. Nali kuba ni mubone fateni mwa bupilo bwaka. Taba fela yo na ni kueza ki kulumela Jesu Kreste. Kana wa lumela cwalo? U be ni tumelo.

310 Hani ku zibi, sha. Lu baenyi ku mañi ni mañi, kuya ka mo Ni zibela. Wa lumela kuli Jesu Kreste wakona ku ni bulelela butata bwa hao? U ziba haiba ikona kuba niti kamba nee, nji cwani? Haiba ukona kulumela ka lipilu ya hao kaufela cwale! Si zwelapili kwa sicaba. Wa lumela kuli musala hao kwande kuli u kaba hande, ni yena? [Muzwale uli, “Eeni,”—Mu.] Butata bwa liito, u katazwa ki butata bwa liito. Wa lumela cwalo? Ha uzweleli kwanu. Batili. U zwelela ko kuna ni mezi amañata, ka nzila yeñwi. Ki muleneñi wa kwa likamba. Ki California, Los Angeles. Kuta u ikele, Bo. Bowman, ni ube hande. Mi Jesu Kreste u ka ku folisa.

311 Mwa lumela? Cwale, mina, mañi ni mañi wa kona kufoliswa cwale haiba mu ka lumela cwalo. Mwa lumela cwalo?

312 Ku cwani ku mina mwa mukoloko wa tapelo, mwa lumela cwalo, ni mina? Mu be fela ni tumelo, mi musike mwa kakanya. Mulumele ka lipilu za mina kaufela, fa muzuzu.

313 Kalibe yo, libaka le Ni yemezi ni yena, u mwa butuku bo butuna. Musali yo uka shwa ona fa haiba sesiñwi ha si ezahali ku yena, kakuli u apesizwe ki muluti. Mwabona muluti omunsu wani fahalimwa hae?

314 Muli, mwa ziba, luna ni muluti wa lifu lani fahalimwa sicaba, ne li swanisizwe ki kamera, inge fela Lingeloi la Mulena? Luna ni lona li nyendaela mwa keleke yaluna; lelituna lelinsu, mo li bonahalela, inge lilu la pula, li lepelela fahalimwa musali. Ne ba mu bulelezi kuli asike anga siswaniso. Mi Moya o Kenile wali, “Swanisa ona fa cwale.” Mi ba pikica siswaniso, mi sa ba

teni. Mwabona? Maneku amabeli kaufela, kwanu. Sa lepelela ona fani.

315 Mina sicaba kuzwa kwa tabernakele, ba bañwi ba mina babali, babali mo, Muzwale Fred ni babañwi, ki ye fa nto yeswana inge i lepelela fahalimwa musali yoo.

316 Una ni kansa, yeo ki niti, siinya. Yeo ki niti. Kana ku cwalo? Nanula lizoho la hao haiba yeo ki niti. Mwabona? Cwale lififi li iile, kusina kubulela sika. Mwabona, ki tumelo ya hae fela, kona ye li ezize. Zamaya, unzo lumela. Amen. Amen. Usike wa kakanya. U ye fela u lumele ka pilu ya hao kaufela.

317 Butata bwa pilu bu bulaya batu babañata, kono habuna ku ku bulaya haiba u lumela. Amen. Zamaya fela, uli, “Ni itumela ku Mulena.” Zamaya mi u fole. Ku lukile.

318 Diabulosi ubata ku kueza kuli ube ni kuopa mwa lingongo kwa bupilo bwa hao kaufela. Kono haiba u lumela ka pilu ya hao kaufela, Jesu Kreste u ka ku folisa. Wa lumela cwalo? A ku ikele mwa musipili, ulumba Mulimu.

319 Wa lumela ka pilu ya hao kaufela? Wa kona ku yo ca mulalelo wa hao, mi butata bwa mwa mba bwani bu ka ku siya. Zamaya fela mi uli, “Kulumbwe Mulena!” Zamaya, u Mu lumele ka pilu ya hao kaufela.

320 No nani, hape, butuku bwa mwa mba. U lumele ka pilu ya hao kaufela, mi u zamaye, ni Jesu Kreste uka ku folisa. Ku lukile.

321 Ki sikamañi so saba? U katazwa ki kuikalelwa. Ku bata fela kuku wisa fafazi, mane kubata kuba mwa kozi, Satani wa ku puma. Kono li felile cwale. Wa ni lumela? Zamaya, mi uli, “Kulumbwe Mulena!”

322 Mulena Jesu, Ni lapela kuli U eze hande kezela luna ni ku mu folisa, ka Libizo la Jesu. Amen.

323 Taha, unzo lumela, kezeli. Ka Libizo la Jesu Kreste, Ni beya mazoho aka ku yena kwa foliso ya hae.

324 Taha, muzwale waka. Ka Libizo la Jesu Kreste, Ni beya mazoho aka ku muzwale wa hae kwa foliso ya hae. Amen.

325 Ki babakai babana ni pilu ye lumela, mwatasa lizoho le li ka nanuha? Cwale amu beye lizoho leo ku yomuñwi. Mu li, “Kana Amosi na ka bulela cwalo?” Luli uka na ka eza cwalo. Lani kona Linzwi la Mulena. Mu nanule mazoho a mina, ha mu lumela.

326 Jesu naize, “Lisupo ze li ka latelela baba lumela. Kambe ne ba ka beya mazoho a bona fa bakuli . . .” Na si ka bulela mane kuli ne ba ka ba lapelela. Ali, “Ha ba ka beya mazoho a bona fa bakuli, lizoho fela inge li inzi ku bona, bao ba ka foliswa.”

Ha lu lapeleñi.

327 Mulena Jesu, Mulena u bopile u halifile ka Linzwi la Hae, “Lisupo ze li ka latelela baba lumela. Ha ba ka beya mazoho a bona fa bakuli, bao ba ka foliswa.” Mulena Mulimu, mi cwale

dimona kaufela ha i huwe. Mi butuku kaufela bu zwe. Mi diabulosi a komiwe, mi bana ba Mulimu ba zwe mwa muyaho wo busihu bo mwa tulo ni mata a zuho ya Jesu Kreste.

<sup>328</sup> U lumele cwalo. Yeo ki niti. Upile fela hande ni zona. Muli, ubeye fela, beya lizoho la hao ku yomuñwi, uli “Mulena, mu folise.” Ni bata kuli mulapele. Ni lapezi. Ni bata kuli mu lapelele yomuñwi. Wena u—wena u. . . U Mukreste sina mo Ni inezi. Luna kaufela lu Bakreste. Cwale a ku lapelele yomuñwi. Wa ku lapelele kwateni.

<sup>329</sup> Cwale, kana utabela kuli yomuñwi a ku lapelele kwateni? U mu lapelele ni wena mo tabelela kuli aku lapelele kwateni. “Mueze babañwi, mo mu latela kuli ba eze ku mina.” Mulapele hande, mube baba sepahala, inge fela mo mu batela kuli ba mi lapelele.

<sup>330</sup> “Mi tapelo ya tumelo ika pilisa ya kula. Mulimu uka ba zusa. Mi haiba ba na ni ku sa lumela kaufela, li ka zwiswa ku bona.” Kiñi? “Malena ha bopa. Ki mañi ya si ke a polofita? Ki mañi ya ka hana kupaka haiba ki Mulena ya bopile?” Linzwi la Hae lili, “Yena wa swana maabani, kacenu, ni kuyakuile.”

Muzwale Fuller, taha. Mulimu aku fuyole.



*NZILA YA MUPOLOFITA WA NITI* LOZ63-0119  
(The Way Of A True Prophet)

Liñusa le ka Muzwale William Marrion Branham, neli kutalizwe lwa pili mwa Sikuwa la Pelekelo manzibwana, Sope 19, 1963, ili fa Faith Temple mwa Phoenix, Arizona, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatizizwe ni ku hasanyiwa kiba Voice Of God Recordings.

LOZI

©2023 VGR, ALL RIGHTS RESERVED

**VOICE OF GOD RECORDINGS**  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleñi ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)